


SAKEO, RAKGWEBO

 Yo mongwe le yo mongwe o be a paka bošegong bjo, go fa maitemogelo a magolo bjalo. Gomme ka kgonthe ke ipshinne ka dilo tšela. Gomme go bonagetše eke yo mongwe le yo mongwe o bile le tshegišo go bopaki bja bona.

² Gomme nka no oketša bjo go bjaka. Bjalo ka ge mohumagadi wa lekhalate a nyakile go paka e se kgale, o re, “Mogolo, a nka paka?”

Ke rile, “No ya pele.”

³ Gomme o rile, “Ga—ga—ga ke seo ke—seo ke swanetšego go ba, gomme—gomme ga ke—gomme ga ke seo ke nyakago go ba,” o rile, “eupša ga ke seo ke bego ke le sona, gape.”

⁴ Kafao gona go mabapi le tsela yeo ke kwago magareng ga sehlopha se bjalo. Ga ke seo ke swanetšego go ba, goba seo ke nyakago go ba, eupša, ke tseba selo se tee, ga ke seo ke bego ke le sona. Gomme ke phegelela go ya mmarakeng wa Pitšo ya godimo.

⁵ Ke mo go bose bjalo go ba fa. Re bile le ye nngwe ya dinako tše kaonekaone tša kopanelo le baena ba rena, godimo ka Maricopa Valley, dibeke tše pedi tše tša go feta. Nka no re ke makgwakgwa. Gomme re bone Tatawešu wa Magodimong a re direla dilo tše kgolo. Gomme re no ba re dira se mohuta wa go dira batho go rapela, le go letela sehloa se segolo go tla nakong ye ya khonferense. Ge . . .

⁶ Ke kwele gore ke bile le monyetla wa go tla tlase go kgaolo ye, le mogwera wa ka wa go loka, Ngwanešu Tony. Gomme ke botšišitše makga a mararo, bošegong bjo, le bitša bjang leina lela? Gomme ke—ke no se kgone go le hwetša. Gomme bjalo feela “Tony,” ge leo le lokile. Ke a nagana ga re fomale fa, golebjalo, a re bjalo? Le a tseba, yeo e mohuta wa go ba semodimo. Le a tseba, Beibele e rile, “Modimo ga a na sebopego.” Kafao ga re na sebopego se se itšego.

⁷ Go boneng dilo tše kgolo tšeo Tatawešu wa Magodimong a re diretšego bekeng ye, re thabetše go tla tlase le go abelana ditšhegofatšo tše ka go kgaolo ye, le go kopana le baena ba bangwe, le lena batho go tšwa tlase fa ka go karolo ye ya—ya Arizona. Yeo, re a tseba bohle, tlase fa, gore wo ke motsemošate. Ke ba boditše beke ka moka gore Phoenix e no ba bomathoko a Tucson, ka mehla. Le a bona? Ba ka se e dumele, eupša re a ba amogela go kopanelo ya rena. Ye ke yona, gobane re tsela godingwana. Ba swanela go lebelela godimo go rena, le a bona, godimo fa ka Tucson. Gomme kafao lena bohle le tla godimo kua, gomme re tla ya ka kua le go etela Phoenix bjale, beke ye

e tlogo, goba mafelelo a beke ye, bakeng sa nako ye ya kopanelo godimo fale.

⁸ Re bile le selo se segolo go direga feela pele ke tšwela ntle go leeto le. Ke tla no rata go tšea feela sebaka sa nakwana e se kae ke naganago e tla lokela. Ke . . .

⁹ Ka go eteng mengwaga ye yohle le go leka go ema magareng ga sekgala, mekgatlo ya go fapana le batho, Banna ba Borakgwebo ba Bakriste ba bile mohuta wa sediba se sennyane go nna, go dumela gore Modimo o dirile ka madi a tee, ditšhaba tšohle. Gomme ke—ke dumela seo. Ke dumela gore batho ba Gagwe ba ka go dikereke tšohle. Ge Yena a le Modimo ka go felela, Yena ke Modimo wa mohlobo ka moka wa motho, Modimo wa tlhoho. Gomme ka kgonthe A ka . . . Lebelela ntle godimo ga maganata le dithaba, o ka bona seo A se ratago, gobane O itlhagiša ka Boyena ka go tlhoho ya Gagwe. Gomme re ka bona gore go na le Modimo. Gomme batho ba, Banna ba Kgwebo ba Ebangedi ya go Tlala, go yeng ka go dikgaolo tša bona, go ba boleleleng, gona e mpha sebakabotse go tla go bolela le dihlopha tšohle tša go fapana, mmogo.

¹⁰ Ke bileditšwe godimo go, seo re ka go se bitša mohuta wa polelo ya selefase, go soba go betha bakeng sa Demos Shakarian. Le a tseba seo—seo sela e lego go tlala ga letsogo. Eupša ke be ke le ka Cincinnati matšatši a se makae a go feta, le Kgaetšedi Shakarian, bjalo ka ge ke kwešiša, o ile go kgabola karo. Ngwanešu Miner Arganbright, yo mongwe wa baofisiri, o tlile kgauswi gomme o rile, “Otlela godimo go ya Cincinnati le nna.”

¹¹ Ke rile, “Ke na le makgolokgolo a batho ba robetše fale, go tšwa gohlegohle lefaseng, ba robetše ka go maokelo a le diphapoši, ba ntetile go ba rapelela. Be bile go leteleng go dipolelotsenelelo, mohlomongwe ba bangwe bontši bja ye mebedi goba ye meraro mengwaga, go leteng, gomme mafelelong ba fihlile ka fale.”

Gomme o rile, “Gabotse, e no kitima metsotso e se mekae le nna.”

¹² Ke rile, “Gabotse, difihlolo di nako mang?” Ke go ka ba dimaele tše lekgolo le masomepedi, ke a thanka, go tloga fao ke dulago.

Gomme o rile, “Gabotse, di thoma e ka ba ka iri ya seswai.”

¹³ Ke rile, “Gabotse, ke a go botša. Re tla ya godimo gona, e ka ba ka iri ya bone, gomme ra fihla fale bakeng sa difihlolo. Ke tla phakiša morago thwi.”

¹⁴ Gomme ge ke fihlile godimo kua, Ngwanešu Shakarian o be a se gona. Gomme ke tsene ka gare. Ke rile, “Feela seo re be go re se nyaka!” Gomme kafao bošegong bjoo, dinako tše dingwe, ke swanetše go bowa morago gae.

15 Nakong yeo, go bile le modiredi wa Mobaptist yo a bego a sa tšo dula thwi mo legetleng la Billy, morwa wa ka, gomme o rile, “Ga o kwešiše, mohlomphegi.” O rile, “Mosadi wa ka o a hwa.”

16 Gomme o rile, “Gabotse, mohlomphegi, ge papa a bowa.” O rile, “Re tlamegile go batho ba, gore re tle.”

17 Le a tseba, ka go mothalo wa thapelo, makga a mantši, go kgaboleng, le mohlomongwe go neeleng thapelo. Eupša lena. . . Gomme dinako tše dingwe taba e ya bogaregare go feta yeo. Le a bona, Modimo o fodiša go ya ka lebaka, gomme go ka no ba go na le se sengwe ka go bophelo bja motho yola. Gomme ga ke tshwenyega ke dihlare tše dintši bjang ngaka a ka ba fago, ba ka se tsoge ba fola go fihla selo sela se phumolwa godimo.

18 Ge o ile ka ofising ya ngaka gomme wa mmotša o be o babja, gomme o mmoditše ditaetšo tša gago, gomme o be a itlhaganetše, mogongwe o be a ka go fa taelo ye nnyane le sehwišabohloko se sengwe ka go sona, ya mohuta wo mongwe, asepirini ye itšego. Ngaka e no ba e leka go go tloša, feela ka nako yeo, gobane ga a na nako. Ngaka ya kgonthe, pele a go fa sehlare, o tla lekola taba yeo, ka go felela, go fihla a hwetša seo e lego phošo, morago a go fa sehlare.

19 Gomme dinako tše dingwe re hwetša batho ba eya go kgabola methaladi ye ya thapelo, ntle go putla ditšhaba, gomme ba no kitima godimo le go nagana gore Morena o swanetše go ba fodiša nako yeo thwi. Eupša go na le se sengwe mohlomongwe tlase ka fale, gomme re dula pele ga Morena go fihlela A utolla sela, seo sela se lego. Go na le se sengwe go swanetše. . . Go na le—go na le lebaka go se sengwe le se sengwe. Gomme o swanetše go hwetša lebaka, pele, gomme morago o ka hwetša seo o ka šomelago go sona.

20 Gomme moisa yo yo monnyane o no tšwelapele a phegelela. Gomme ke fihlile ka gare mosong wo o latelago e ka ba ka iri ya bobedi. Gomme e ka ba ka ya bohloko, morwa wa ka o mpiditše, gomme o rile, “Na o tseba mosetsana a bitšwago Jean Dyer?”

Ke rile, “Jean Dyer, le kwagala go tlwaelega.”

O rile, “O re o be a fela a go bapalela piano.”

21 “Oo,” ke rile, “yoo ga se Ngk. Dyer, matwetwe fa, matwetwe wa go tuma ka Louisville?”

22 O rile, “Yeo ke—yeo ke yona. Gabotse, morwedi wa gagwe Jean o a hwa kua ka Bookelong bja Saint Edward ka. . . goba Bookelong bja Saint Anthony, a ke re, ka Louisville.” Gomme o rile, “Monna wa gagwe o robetše thwi mo matrapong mosegare ka moka.”

“Gabotse,” ke rile, “gabotse, ke tla leka go e gapeletša lehono.”

23 O rile, “Bjale, ga a tsebe o na le kankere. O se mmotše.”

24 Ka fao, mafelelong, letšatši leo, ge ke fihla godimo kamoreng; mohumagadi yo mokaone yo moswa.

25 O mpapaletše piano, ka . . . ge ke be ke le ka otithoriamong, fao ke bonego batho ba Ngwanešu Allen, fa bošegong bjo. Ngwanešu Allen o no tlogela yona otithoriamo ya go swana ka Louisville. Yeo ke Otithoriamo ya Segopotšo. Gomme Jean Dyer o be a le mmapalapiano ka kerekeng ya Monyako o Bulegilego, senagoge sa kgale. Gomme kafao o be a bone dilo tše dingwe tše kgolo tšeo Morena Modimo a di dirilego. O boditše tatagwe.

26 O no rile, “Yeo e no ba saekolotši ye e hlwekilego. Monna o no bala megopolo ya batho. Go na le . . . O no ba a thankile yeo.”

27 O rile, “Papa, e ka se be go thanka nako le nako.” Le a bona? O rile, “O no se kgone go ba.”

“Gabotse,” o rile, “Jean, lebala dilo tšeo.”

28 Gomme o be a beeleditšwe go mošemane yo mokaone yoo a bego a eya seminarang ya Baptist ka nako yeo. O nyetšwe gomme a khudugela godimo go Rockford, Illinois, fao legae la mošemane yo le bego le le. Gomme ka mokgwa wo mongwe goba wo mongwe o lekile go swarelela go bopaki bja gagwe. Gomme mošemane o ile mošomong wa selefase, gomme morago ga nakwana nyaka a ile kgole go tloga go Morena.

29 Mosetsana o bile le—le go se sepele gabotse ga tša sesadi. O ile gae go tatagwe. O tsebile o hlokile karo. O hweditše ka go yena seo se bitšwago . . . Gomme ga ke tsebe leero la tša bongaka la sona, eupša, gobane ke a tseba go na le dingaka di se nene di dutše fa bjale. Kafao, e be e bitšwa, go swana le, sekutu sa tšhokolete. Gomme sona ke . . . Ka gare, ge a se ntšheditše ntle, o swanetše go be a gašantše ye nngwe ya sona. Gomme disele tša ba seemo sa kankere. Gomme ba mo rokile godimo, ba mo fa x-rei ye itšego le kalafi.

30 Kafao, ge a fihla gae, o tšwetšepele a e ba le bohloko le bothata.

31 Ngwaga moragorago, o boetše bakeng sa go tlošwa ga popelo. Gomme ge ba tloša ditho, ba hweditše kankere e ile godimo ka go lela le legolo le go bofagana go raretša. Go be go se na selo se ka go dirwa. Ba lekile x-rei gape. Ga se e šome. Kafao ba no mo iša bookelong le go mmotša o no be a na le bothata bjo bogolo bja sesadi, le go leka go bo alafa. Gomme mosetsana o be a ehwa.

32 Monna wa gagwe o e tsebile. Kafao o tlile godimo gomme o ile a hwetša ye nngwe ya dipuku tša ka, tšeo Jean a di badilego. Gomme kafao o thomile go tla bookelong, a mmalela tšona.

33 Gomme ge re eya ka gare go mo rapelela, o be a mpotša ka yona. Ke rile, “Jean, ke mošemane yo mokaone.” Gomme ga se ke nyake go dumelela . . . Ke boloka sephiri, gobane ke a tseba gore—gore o . . . O be a sa tsebe o na le kankere. Gomme kafao,

matšatši a mabedi morago ga fao, ba be ba eya go ba le go—go tlošwa ga lela le legolo. Kafao go tšea . . .

³⁴ Pele ba tšea mosetsana godimo, gabotse, ba ntumeletše go tla godimo le go rapela le yena. Ke bile le yena ka kamoreng. Gomme ka pela ge ke se no hwetša . . . Go be go na le mooki wa go se dumele a le mošomong; go bile baoki ba bararo, dišifiti tša diiri tše tharo. Gomme ka pela ka fao re kgonnego go tloša mooki, le go mo ntšha ka kamoreng, gore pono e kgone go direga, gomme re rapetše le yena nakwana ye nnyane fale, gomme ke mmone. O na le moriri wo moso. O no ba feela e ka ba bogolo bja mengwaga ye masometharo tshela. Moriri wo moso o be o fetogile wo mopududu. O be a eme ka ponong.

³⁵ Ke rile, “Jean, bjale lebelela. Ke ya go ba ka kgonthe go botega go wena.” Ke rile, “O bile ka go dikopano botelele go lekanela go tseba gore nka se go botše selo ka Leina la Morena ntle le ge go le bjalo.” Ke rile, “Bjale, Jean, o na le kankere.”

O rile, “Ke e belaetše, Ngwanešu Branham.”

³⁶ Gomme ke rile, “Karo yeo, letšatši morago ga gosasa, ke ya go tloša lela le legolo. Eupša, o se tshwenyege. Ke bone, go tšwa go Morena, o ya go fola.” Gomme o no hlalala. Kafao ke ile gae.

³⁷ Gomme letšatši le le latelago ba be ba eya go, letšatši morago ga, a ke re, ba be ba ile go mo iša bakeng sa go mo tloša lela le legolo mosong woo, gomme ba ile ba swanela go—ba swanela go leta metsotso e se mekae ka morago ga ge ba mo lokišeditše, le go ya pele, gomme ba loketše go tloga. Gomme go be go na le . . . O bile le maikutlo a setlwaedi ao batho ba swanetšego go ba le ona ka nako yeo, gomme ba mo išitše ntlwaneng, gomme o bile le ga go phethagala, go tloša ga tlwaelo. Ngaka e ile ya gakgamala kudu. O mo hlotše gape. Mosong wo o latelago . . . Ba e dumeletše e sepele, ba phumola karo. Ngk. Hume, setsebi se sekaone kudu, matwetwe, mogwera wa ka, o be a eya go dira karo.

³⁸ Gomme moso wo o latelago bile le ga go phethagala, go tloša ga tlwaelo gape. Gomme tatagwe, Ngk. Dyer, a nteletša mo mogaleng. Gomme gareng ga go sehumula, o rile, “Ngwanešu Branham, ke bile moswasalatši wa seo o bolelago ka sona.” O rile, “Eupša ke modumedi bjale, gore Modimo wa Abraham, Isaka, le Jakobo o sa phela.”

³⁹ Yena ka mehla o bile Modimo, O dula a le Modimo. Gomme re a tseba gore O no ba yo mogolo fa ka Tucson bjalo ka ge A le mogongwe le mogongwe, gobane Ke motlalagohle, mokgonatšohle, le wa go se felele, gomme re a tseba A ka dira dilo tšohle.

⁴⁰ Bjale, go se le swarelele botelele kudu. Gantši, ga se setlwaedi, ge ke . . . Ge ke be ke eya go rera, oo, ke tla ba kgonthe go le ntšha magareng ga diiri tše tshela. Yeo ke thero ye kopana. Eupša ga ke ye go dira seo bošegong bjo. Ke na le ditirele gosasa bošego, bošego bja go latela, le go ya pele. Re tla leka . . .

Go lokišetša go ya mošwamawatle gape, Morena a ratile, thwi gonabjale.

41 Ke nyaka go re go lena bohle batho fa, bagwera, gore mohlomongwe ba bangwe ba lena ke kopane le lena pele, gomme mohlomongwe go na le ba bantši fa bao ke sa nkago ka kopana le bona pele. Ke le dumediša ka Leina la Morena wa rena Jesu, Morwa wa Modimo. A nke khutšo ya Gagwe ka mehla e be le lena.

42 Gomme go bolela nako ye nngwe ka go dikgaolo tše, go mohuta wa go dira batho go...go swana go banabešu ba badiredi fa, go re . . .

43 Yo mongwe o rile go nna nako ye nngwe, o rile, "Billy, gabotse, ke eng o—ke eng o goragora le sehlopha sela sa borakgwebo?" O rile, "Ke be ke nagana o moreri."

"Oo," ke rile, "ke—ke nna rakgwebo."

O rile, "Rakgwebo?"

Ke rile, "Kgonthe."

O rile, "Ke—ke—ke be ke sa tsebe seo."

Ke rile, "Ya, ke nna rakgwebo."

O rile, "Ke mohuta ofe wa kgwebo o lego ka go wona?"

44 Ke e boletše ka lebelo, gore a . . . Ke rile, "Ke ka go tiišetšo ya Bophelo."

O rile, "Eng?"

Ke rile, "Tiišetšo ya Bophelo."

O rile, "O ra go reng?"

Ke rile, "Tiišetšo ya Bophelo bjo Bosafelego."

45 Bjale, ge yo itšego wa lena batho a ka rata go bolela pholisi le nna, nka thabela go go bona thwi morago ga tirelo. Ke—ke fa bakeng sa kgwebo.

46 Le elelwa mogwera wa ka, Snyder e be e le leina la gagwe. Re ile sekolong mmogo. Gomme bjale, inšorense, ke na le mogwera yoo a lego kgwebong ya inšorense. Ke na le ngwanešu ka go kgwebo ya inšorense, eupša ka—ka kgonthe ga ke na inšorense ye itšego. Bjalo yo Wilmer Snyder, mogwera wa ka, mogwera wa bošemaneng, o tlile godimo go nna e se kgale botelele, gomme o rile, "E re, Billy," o rile, "nka rata go bolela le wena ka inšorense ye itšego."

47 Ke rile, "Bjale, Wilmer." Ke rile, "Ke go botša eng. A re bolele ka ga go tsoma."

O rile, "Aowa. Ke nyaka go bolela ka inšorense."

48 Gabotse, ke ile ka swanela go e bolela ka lebelo go yena, le yena. Ke rile, "Ke na le tiišetšo." E sego inšorense; tiišetšo, le a bona.

49 Gomme mosadi wa ka o lebeletše go dikologa go nna, o ka re o re, “Gobaneng, wena radinonwane.” Yena o tsebile ke be ke se ne inšorense ye itšego.

50 Gomme o rile, “Oo, ntshwarele, Billy.” O rile, “Go lokile. Ngwaneno ke morekiši. Ke tseba Jesse.”

Gomme ke rile, “Gabotse,” ke rile, “e no se be tlwa le yena.”

O rile, “Ke mohuta ofe wa inšorense o nago le wona?”

Gomme ke rile, ke rile, “Ke na le Bophelo bjo Bosafelego.”

O rile, “Eng?”

Gomme ke rile, “Bophelo bjo Bosafelego.”

51 “Gabotse,” o rile, “ga ke dumele nkile ka kwa ka khamphani yeo.” O rile, “Aowa. Go a tlabā.”

52 Gomme ke rile, “Sese seo e lego, Wilmer.” Ke rile, “Ke tiišetšo ya go šegofala, Jesu ke wa ka. Oo, a tatsopele ya letago le Lekgethwa! Ke nna mojabohwa wa phološo, morekwa wa Morena, motswalwa ka Moya wa Gagwe, mohlatswa ka Madi a Gagwe.”

53 O rile, “Yeo ka kgonthe e bose, Billy, eupša yeo e ka se go bee ntle fa ka mabitleng.”

54 Ke rile, “Eupša e tla ntšhetša ntle. Ga ke—ga ke tshwenyeye bjalo ka ga go tseneng. Ke go tšweleng ntle, ke seo ke naganago ka sona.”

55 Bjale, ge o na le go tshwenyega go itšego, ke tla bolela le wena ka ga yona. Feela bakeng sa polelo ye nnyane—ye nnyane go tšwa Lengwalong, le ge e le borakgwebo. Eupša ke itswalantše nnamong bjalo ka rakgwebo le lena.

56 Gomme ba bantši ba badiredi baena ba ka ntle fa, ke bone ba emelela, sebaka e se se sekaalo sa go feta. Gomme kafao mohlomongwe nako ye nngwe, Morena a ratile, ke tla rata go ba le sehlopha le go tla go ba le kopano ye botse ya botee le badiredi tlase fa. Ke tseba ngwanešu yo mongwe yo monnyane fa. Ke kopane le yena. Whittle, ke a dumela, e bile leina la gagwe. Re be re le ntle mmogo, nako ye nngwe. Bjale, ga se ke bitše leo gabotse, le lona. O ntirile ke tsebe gore go be go lokile.

57 Gomme kafao leina la ka ke Bran-ham, le a tseba. Yo mongwe o rile go nna, o rile, “O . . . Ngwanešu Bran-ham, a o motswalo wo itšego le Abraham?”

Ke rile, “Morwa wa gagwe.”

58 “‘Tatago ditšhaba.’ Go beng ba ba hwilego ka go Kriste, rena re peu ya Abraham, le bajabohwa le yena go ya ka tshepišo.” Leo ke Lengwalo.

59 Bjale, ga ke na nako go le swarelela fa, go rera, gobane Ramada e ka se tsoge ya le dumelela go ba le yona gape.

60 Kafao ke elelwa ge ke thoma go tla magareng ga batho ba Pentacostal, mengwaga go feta, ke be ke le ka Mishawaka. Go be go le dihlopha tše pedi tša bona. E tee e bitšwa P. A. ya W.; ye tee ye nngwe, P. A. ya J. C., ke a dumela. Gomme ba bile le khonferense ya bona—ya bona ka dinagaleboa, gobane go be go na le kgethologanyo, gomme kafao gore baena ba makhalate ba kgone go tsenela kopano. Ke ba šeditše letšatši ka moka, ka fao ba ba le ba go ikgetha, ba se na bontši mekgwa ya kereke. Nna! Ke be ke dutše fale, gomme rena Mabaptist, le a tseba, re mohuta wa go itshwara sekereke ka kerekeng. Eupša baisa ba ba be ba se na mekgwa ye e itšego ye itšego ya Baptist le ga nnyane, goba mekgwa ye itšego ya kereke. Ba be ba tla kitima, ba golola, ba goeletša, ba ba babolou mo sefahlegong. Gomme ke naganne, “Nna, nna!” Gomme kafao ke thomile go lemoga tsela ye ba bego ba tšwelapele.

61 Gomme kafao o rile, “Badiredi bohle, mo sefaleng. Modiredi yo mongwe le yo mongwe, go sa tshwenye ke kereke ya leina efe, ba tla godimo mo sefaleng bakeng sa mantšiboa a.” E be e ka ba makgolo tlhano a rena re dutše mo sefaleng. Kafao o rile, “E no emelela godimo gomme o bolele leina la gago, o dule fase.” Ke—ke tla kgauswi, ya ka. Ke—ke boletše leina la ka, ka dula fase. Pele go theoga. Ka morago ga nakwana, ba bile le monna. . . Ba bile le ba bangwe bareri ba bakaone letšatši leo. Oo, ka kgonthe ba be ba le dirutegi, le banna ba kgonthe. Gomme ke tsebile ga se ke be le taba godimo fale, ka thuto ya ka ya kreiti ya bošupa, go ema pele ga baisa bale, ge ba be ba ile go bolela ka thutamodimo.

62 Eupša ke naganne, “Gabotse, go kopano ya mantšiboa a, ba tla ba ka nnete le seboledi sa bona se maemo a pele mo mantšiboa.”

63 Gomme kafao, ka morago ga nakwana, ba rile mogolo semangmang o ile go bolela. E be e le monna wa mokgalabje wa lekhalate, a tlile ntle. Gomme o be a lebelega go ba e ka ba masomeseswai tlhano a mengwaga bogolo. Gomme o be a na le ye nngwe ya tšela tše telele, tšeo re bego re fela re di bitša tlase ka borwa, dijase tša moreri, le a tseba; mokgwa wa mosela wa go peolwane, le a tseba, dithupana godimo le tlase ga yona. Ntikodikoko e nnyane ya moriri wo mošweu go dikologa hlogo ya gagwe. Gomme o be a swanetše go hlhla moisa wa kgale ntle, o be a tšofetše.

64 Gomme o tlile ntle fale le go tšea sehlogo sa gagwe go tšwa kua go Jobo. O rile, “O be o le kae mola Ke bea motheo wa lefase? Botša Nna fao go kgokilwego.” O rile, “Ge dinaledi tša masa di opela mmogo, gomme barwa ba Modimo ba gobela ka lethabo,” o rile, “o be o le kae?” Modimo a bolela le Jobo.

65 Gabotse, bohle baena letšatšing leo ba be ba rera ka Bophelo bja Kriste, le go tla ga Johane, ba kopanya tsela magareng, le go ya pele, ka borutegi kudu.

66 Eupša monna yo wa mokgalabje ga se a rera ka e ka ba eng e bilego e ile go direga tlase fa lefaseng. O Mo tšere godimo morago kua e ka ba mengwaga ye lesome la dimilione pele lefase le ka be la bopša. Gomme a Mo tliša, seo se bego se direga ka Legodimong, morago go tla tlase go molalatladi wa go putla. O dirile seo ka moka e ka ba ka metsotso ye mehlano, gomme mohemo o tee, go bonagetše eke. Ge a feditše, o tabogetše godimo ka moyeng a ka ba dikgato tše tharo, go bonagetše go nna, o ka re, le go raga direthe tša gagwe mmogo. A etla a bethantšhana fale. Gomme o be a na le sekgoba se sentši gabedi go seo ke nago naso. O rila, “Le no se be le sekgoba se se lekanetšego bakeng sa ka fa go rera,” gomme a dula fase.

67 Ke naganne “Seo ke se ke se hlokago. Ge seo se dira monna wa mokgalabje go ikwa go swana le ka fao, e ka ntira eng ge nka tsoge ka hwetša mothopo wola wa bofsa?”

68 Monna wa mokgalabje, bogolo bja mengwaga ye masomeseswai tlhano, gomme a kgona go dira ka mokgwa wola! Gabotse, nna, o tlile ntle fa, o be a le mohuta wa go swara. Eupša ke lemogile ge Moya wola o mo ratha, o mpshafaditše bofsa bja gagwe go swana le ntšhu, le a tseba.

69 Bjale godimo ka go puku ya Mokgethwa Luka ke tla rata go bala feela temana ye nnyane goba tše pedi, bakeng sa feela Mantšu a se makae fa, go elela gare le se sengwe seo se boletšwego, le tšohle mmogo, le difela tšeo di opetšwego. Gomme Morena a oketše ditšhegofatšo tša Gagwe go palo ya Mokgethwa Luka 19.

Gomme Jesu o tsene le go feta go kgabola Jeriko.

...bonang, go be go na le a bitšwago monna a bitšwago Sakeo, yo a bego a le letona la balekgetho, gomme o be a humile.

Gomme o nyakile go bona Jesu o be a le mang; gomme a se kgone ka lebaka la pitlagano, . . . o be a le wa leemo le lennyane.

Gomme o kitimetše pele, le go namela godimo ga mohlare wa mosikamoro go mmona: gobane o be a e ya go feta ka tsela yeo.

Gomme ge Jesu a tlile go lefelo, o lebeletše godimo, gomme a mmona, gomme o rila . . . Sakeo, phakiša, . . . etla tlase; ka gore lehono Ke swanetše go dula ntlong ya gago.

70 E swanetše go ba e bile bošego bjo bobo kudu. Moisa yo monnyane ga se nke a robala le ga tee. O no pshikologa le go kgokologa go dikologa bošego ka moka. Bohle re tlwaelane le mehuta yeo ya mašego: go se iketle, go se kgone go robala. Gomme o no pshikologa bošego ka moka, a kgokologa go dikologa.

71 Le a tseba, mosadi wa gagwe, Rebeka, o be a le modumedi, gomme o be a na le kgahlego go monna wa gagwe yo a bego a na le kgwebo ka Jeriko. Gomme o be a le wa disosaete tše dintši tša letšatši leo, ga go pelaelo. Gomme Rebeka o be a tlwaelane le mo—mo moporofeta a bitšwago Jesu wa Nasaretha, Yoo ba tleimilego go ba Morwa wa Modimo. Gomme o be a na le kgahlego go monna wa gagwe go kopana le Monna yo.

72 Gobane, o tsebile gore batho ba Bajuda ba rutilwe, gore, “Ge monna a le moporofeta, gore seo a se boletšego se tla phethagala. Eupša ge seo a se boletšego se sa phethagale, gona le se mo kwe.” Modimo o be a tlogetše Lentšu leo go bona, ka baporofeta ba Gagwe. Ke ka fao moporofeta a bego a tsebagala.

73 Gomme mofi wa molao yo mogolo, Moshe, le yena o tlogetše molao, “Morena Modimo wa lena o tla tsoša Moporofeta wa go swana le nna. Go tla tla gore mang le mang a ka se kwego Moporofeta yo o tla kgaolwa go tloga magareng ga batho.”

74 Rebeka o be a hlohleletšegile ka botlalo, ge a bone Jesu wa Nasaretha a kgona go ema le go botša batho dilo tšeo di bego di le dipelong tša bona, go bolelelapele dilo tšeo di bego di tlo direga, di etla feela tlwa ka tsela A e boletšego, ga se nke gwa pala le mohla o tee. Gomme O be ka go nepagala a le godimo ga Lentšu la Modimo. O le dumetše.

75 Eupša Sakeo, monna wa gagwe, o be a hlakahlakane. Gomme, gabotse, therešo ya kgonthe ya yona e be e le, o be a se nke a bona Jesu.

76 Gomme ka therešo seo ke selo se se mpe, go leka go ahlola monna pele o mo kwa. O se tsoge wa dira seo. Dinako tše dintši re sa na le molato wa seo, ka go letšatši le. Re kwa ka ga monna, gomme, pele e bile re bolela le yena, re—re sa . . . re šetše re file kgopolo ya rena ka yena, ka kgopolo ya yo mongwe gape. Gomme ga se selo se sebotse. Re swanetše go ya, go iponela ka borena.

77 Go swana e boletšwe nako ye nngwe, “A selo se sebotse se ka tšwa Nasaretha?”

78 Ge Filipi a ile go bona Nathaniele gomme a mo hwetša ka tlase ga mohlare, gomme o rile, “Etle, bona Yoo re mo hweditšego, Jesu wa Nasaretha, Morwa wa Josefa.”

79 O rile, “Bjale, a go ka ba le selo se itšego se sebotse go tšwa ka Nasaretha?”

80 O mo file a mangwe a mantšu a makaonekaone ao a ka bego a mo file. “Etle, o bone.” O se dule gae le go swaswalatša. Etle, iponele ka bowena.

81 Gomme ge a etla, Jesu o mmone a rotoga godimo. O rile, “Bonang Moisraele yo go yena go se nago bofora.”

82 O rile, “Rabi,” go rago go re *morutiši*, “O ntsebile neng?”

83 O rile, “Pele Filipi a go bitša, ge o be o le ka tlase ga mohlare, Ke go bone.”

84 Seo e bile go lekanela. O rile, “Rabi, Wena o Morwa wa Modimo. Wena o Kgoši ya Israele,” gobane o bone lona lentšú leo—leo Moshe a rilego le tla direga. Ba be ba se ba be le moporofeta bakeng sa mengwaga ye makgolo a mane, gomme fa go be go le Monna tlwa godimo ga Lentšú.

85 Ka fao mosadi yola yo monnyane ka sedibeng sa Samaria a swanetšego go be a ikwele ge a tšwetše ntle go ga meetse letšatši le lengwe, gomme fale go dutše Monna, Mojuda. O swanetše go be a be a lebelelega go ka ba bogolo bja mengwaga ye masometlhano, go le bjalo O be a no ba masometharo. Mošomo wa Gagwe o be o swanetše go be O mo robile fase.

86 Ge ba be ba na le mokete wa—wa mešaša, ba bohle ba be ba hlaletše. Gomme Jesu a goelesa, bjalo ka ge go tsopotšwe nakwana ya go feta, “Tlang go Nna.” Kafao gona O thomile go fa thutofahlošo ya Gagwe ye kgolo.

87 Gomme—gomme Bajuda ba rile go Yena, “O ra gore O bone Abraham? Gomme Wena o Monna a se go ka godimo ga bogolo bja mengwaga ye masometlhano, o re Wena o bone Abraham? Bjale re a tseba Wena o a gafa.” Gomme lentšú le go *gafa* fao le ra gore go “hlanya.” “Re a tseba Wena o a hlanya. O na le diabolo.”

88 O rile, “Pele Abraham a e ba gona, Ke gona.” Yoo e bile KE GONA yoo a boletšego le Moshe mo sethokgweng sa go tuka.

89 Gomme re lemoga gore ge A be a dutše. . . O bile le tlhoko go feta Samaria. Gobane, Israele e be e kwele molaetša, gomme O be a etla bjale go mehlobo ye meraro: Bajuda, Bantle, le Basamaria; batho ba Hama, Seme, le Jafete. Gomme O . . . Ebangedi e swanetše go tsebišwa go bona. Gomme A tla go toropokgolo e bitšwago Sikara, gomme fao, o dutše sedibeng. Gomme o rometše barutiwa ba Gagwe ka toropongkgolo, go hwetša dijo.

90 Mosadi yo monnyane o tlile ntle. Re ka mmitša lehono, gabotse, mohlomongwe “lebone le lehubedu,” leina le itšego le lebe. Le tseba seo ke se rago. Gomme kafao o bone Jesu. . . ke ra gore, ga se nke a bona Jesu a dutše kua, feela Monna wa Mojuda wa mehleng a dutše go bapa le lebotu. La sediba se sennyane, ntle ka mafelelong a mokgotha, wa . . . fao toropokgolo e tlogo go ga meetse a bona. Moisa yo monnyane yo a dutše fale, a sa šetšwe. O tlile godimo mohlomongwe e ka ba ka iri ya lesometee mo letšatšing, go ga meetse, meetse a lapa go letšatši. Gomme a theošetša pakete tlase go a ga, gomme, pele a ka e gogela godimo, o kwele Yo mongwe a re, “Ntlišetše sa go nwa.”

91 O lebeletše godimo gomme a bona e be e le Mojuda. Gomme a ka no be a boletše se sengwe go swana le se, “Mohlomphegi, ga se setlwaedi go Wena go bolela selo se bjalo. Ke nna Mosamaria.

Wena o Mojuda. Gomme ga re na le. . . Go na le kgethologanyo fa. Ga re na tirišano ye bjalo le yo mongwe go yo mongwe.”

⁹² Gomme O ile pele go boleleng. Taba e ile pele, mabapi le ge e ba o rapela ka Jerusalema. O rile, “Rena Bajuda re tseba seo re se rapelago, ka gore phološo ke ya Bajuda.” Gomme taba e ile pele nakwana. Gomme ka morago ga nakwana O rile go yena, “Sepela, hwetša monna wa gago gomme le tle fa.”

O rile, “Ga ke na monna.”

⁹³ O rile, “O boletše therešo, ka gore o bile le banna ba bahlano, le yo o dulago le yena bjale ga se monna wa gago.”

⁹⁴ O rile, “Mohlomphegi, ke a bona gore Wena o moporofeta.” Bjale, le a bona, ba be ba se ba be le moporofeta lebaka la mengwaga ye makgolo nne, ge e sa le Maleaki. O rile, “Ke a bona gore Wena o moporofeta. Re a tseba, ge Mesia a tllile, O tla re botša dilo tše. Seo e tla ba leswao la moporofeta. Ge Mesia a tllile, O tla re botša dilo tše.”

Jesu o rile, “Ke nna Yena, yoo a bolelago le wena.”

⁹⁵ O kitimetše ka toropongkgolo le go re, “Tlang, bonang Monna yoo a mpoditšego dilo tšeo ke di dirilego. A yo ga se yena Mesia?” Ka fao Seetša sela la mathomo se hlabilego pele godimo ga mosadi yo monnyane ka go seemo sela!

⁹⁶ A—a kgalemo e bilego go baprista bale ba tempele ya letšatši leo, bao ba Mmonego a dira selo sela sa go swana, gomme ba Mmitša, “Beletsebulu, diabolo, moya wa ditšhila o dira mediro ye!” Ge, Lengwalo le hlatsetša pepeneneng gore e tla ba Mesia. Bjale re. . .

⁹⁷ Rebeka o be a bone ka moka ye, gomme o be a fela pelo gore monna wa gagwe a ke gatee a dule fao Jesu wa Nasaretha a bego a le. Gomme o kwešišitše gore O be a tla ba ka Jeriko, toropokgolo ya gabo, letšatši leo. Gomme a thoma go mo rapelela. Ke a holofela go na le boRebeka ba bantši fa bošegong bjo, gore o tla rapelela monna wa gago, gore nako ye nngwe Jesu a fete tseleng ya bona. Gomme o be a rapetše bošego bjohle, ge bjale re ka e dira tiragatšo.

⁹⁸ Gomme le a tseba, ge yo mongwe a eya go go rapelela, ka tlhokofalo, ga—ga o be le boiketlo. O ka kgona go bolela, go na le se sengwe se a direga.

⁹⁹ Gomme morago ge go e tla masa, re tla re. . . Sakeo o be a na le setlwaedi sa go tsoga a ke re mosegare, gobane, mohlomongwe re tla re, o be a na le restorante, gomme a dumelela. . . bolaodi bja gagwe—gagwe, le go ya pele, go hlokomela kgwebo ye ya gagwe. Eupša mosong woo, o tsogile ka pela ruri, a ipeakanya gabotse ruri, le go apara diaparō tša gagwe tše botsebotse. Gomme Rebeka, ka morago ga go rapela go kgabola bošego, le go bona o be a sa dudišege kudu. . .

¹⁰⁰ Gomme theeletša, Rebeka, ge o bona Sakeo wa gago a e ba mokgwa wa go se dudišege, e no elelwa, Modimo o araba thapelo, o a bona. Yeo ke tsela e diregago. Ge o mmona a etla bjalo a sa kgone go go fa lentšu le lebotse, e no elelwa, tšwelapele o swareletše. Ga se telele go fihla Modimo a eya go feta hleng ga tsela yeo.

¹⁰¹ O bile go se dudišege e le ruri. Ge a be a emeletše godimo, a apere diaparo tša gagwe tše botsebotse. Gomme ke kgona go bona Rebeka a retologa gomme a re, “Sakeo, o tsogile ka pela kudu mosong wo, morategi wa ka.”

¹⁰² “Oo, ee. Uh, ke no, uh, huh-huh-huh, hum. O a tseba, ke—ke no nagana ke no gatela ka ntle bakeng sa nthathana ya moya wo moswa.”

¹⁰³ Eupša, o bile le ka mogopolong wa gagwe, “Ga ke kgone go tloša Moisa yola monaganong wa ka. O a tseba seo ke yago go se dira? Ke ya go ya tlase fale go kgoro fao A tsenago gona. Gomme ge A etla ka go kgoro yela, ke ya go Mo fa seripa sa mogopolo wa ka, bakeng sa go ba le mosadi wa ka a le ntle, dikopano tše, le go tšwelapele bjalo ka se. Ke ya go Mmotša seo ke naganago ka Yena.” O a tseba, ka mehla batho ba aga mohuta woo wa letswalo, le a tseba, feela ka go kweng se sengwe.

¹⁰⁴ Kafao o ipeakantše ka gohle. A theologela tlase. O lebeletše morago godimo, ngwako, le go bona ge e ba go be go le yo itšego a lebeletšego, gomme go bonagetše eke ga go motho a bego a lebeletše. Eupša Rebeka o be a bogetše ka monga wa lefasetere, go bona seo a bego a se dira. Gomme sebakeng sa go retologela tlase go leba go restorante ya gagwe, o ile tlase go leba go Mmila wa Gootlologa.

¹⁰⁵ Le a tseba, ka mehla o hwetša Jesu mo Mmila wa Gootlologa. Yeo ke nnete. Gootlologa ke kgwebo ya gago! O nyaka go Mo hwetša, botega, hlokofala, otlologa le Modimo le batho, otlologa le moagišani wa gago.

¹⁰⁶ Kafao o theologela tlase ga mmila, gobane o tsebile O be a eya go tsena ka kgoro ye ye itšego. O be a ile a dibega ga nnyane mosong woo, gobane banna ba babedi ba difofu ba hlokile phodišo, bjalo ka ge Lengwalo le re botša, gomme O be a fodišitše bale. Gomme ge a etla tlase go kgoro fao Jesu a bego a swanetše go tla gona . . . Le a tseba, Beibele e rile, “O be a le mohuta wa go ba yo mokopana ka leemo.” Gomme ge a fihla fale, ba bangwe ba batho ba bagolo ba batelele ba be ba eme fale, gomme ga se a kgone ebile le go hwetša lefelo, go tla godimo go Mmona. Ba be ba lekeletše godimo ga maboto le mogongwe le mogongwe.

¹⁰⁷ Le a tseba, go na le se sengwe mabapi le yona, gore, ge Jesu a etla tikologong, ka mehla e tliša kgogedi ka mokgwa wo mongwe. Ba be ba le fale, ba letetše go opela, “Hosana!” Gomme ba . . .

¹⁰⁸ O rile, “Bjale, nka se ke ka lemogwa fa. Gomme nka se kgone go Mo lemoga, gobane O tla sepela mohlomongwe ka bogareng

bja mokgotha, le mošireletši, gomme nka se kgone go bona Moisa yo. Eupša ga ke dumele gore Yena ke moprofeta, gobane ke rutilwe gore matšatši a seprofeto le matšatši a mehlolo a fedile.” Le a tseba, nako ga se e fetoge kudu ruri ge e sa le go tloga nako yeo.

109 Ge Modimo a kile a ka a ba Modimo, O sa le Modimo. Ge A se, gona ga se nke A ba Modimo. O ka se no re Ke Modimo nako ye nngwe, gomme ga se Modimo ye e latelago. Ga A tšofale. A ka se fetole monagano wa Gagwe. O swanetše go dula le diphetho tša Gagwe. Kagona, dula o na le tiišetšo gore, seo A se boletšego, seo O tla se dira. Seo ke se . . .

110 “Abraham o dumetše Modimo, a bitša dilo tše di le go kgahlanong e ke di be—di be di se gona. Dilo tšeo di bonetšego di le kgonthe, tšeo mahlo a gagwe a kgonago go di bona, eupša e be e le kgahlanong le Lentšu la Modimo, gomme o—o bakeng sa . . . ga se a . . . ga se ebile a di lebelela. O di biditše bjalo ka ge di se go. O dumetše Modimo.” Ga se a ke a no swarelela go letšatši le letee. O ile tlase go kgabola bophelo, masomepedi tlhano a mengwaga, pele Isaka a ka tsoga a belegwa. Gomme o tioletše, nako yohle.

111 Rena lehono re tleleima go ba, ka mogau, le ka kgaogelo le go dirwa bana ke Kriste, gore re ba Peu ya Abraham, gomme ga re kgone go tshepa Modimo diiri tše masomepedi nne. Eupša Peu ya kgonthe ya Abraham e swara Lentšu la Modimo gomme ga go selo se yago go mo šuthiša go tloga go lona.

112 Modimo o boditše Abraham, mola a be a le bogolo bja mengwaga ye masomešupa tlhano, gomme Sarah a le masometshela tlhano, ba be ba ile go ba le lesea. Gobaneng, ba ile gomme ba hwetša tšohle diphini le dipalete, gomme ba itokišetša lona. Yeo ke nnete. Go be go se selo se yago go ba thibela. Ba e tsebile.

113 Matšatši a mathomo a masomepedi seswai a fetile. O rile, “O ikwa bjang, Sarah?”

“Ga go phapano.”

“Letago go Modimo! Re ya go ba le lona, go le bjalo.”

“O tseba bjang?”

“Modimo o boletše bjalo. Seo se a e fediša.”

Kgwedi ye e latelago, “O ikwa bjang?”

“Ga go na phapano.”

114 “Gabotse, ke mohlolo wo mogologolo go feta o kile bjale. Go thari dikgwedi tše pedi.” Le a bona?

Mengwaga ye masomepedi tlhano, “O ikwa bjang, Sarah?”

“Ga go phapano.”

“Letago go Modimo! Re tla ba le lona, go le bjalo. Modimo o boletše bjalo.”

115 Gomme gona re ipitšša renabeng Peu ya Abraham. Seo Modimo a se bolelago, Modimo o kgona go se dira, go dira seo A boletšego O tla dira. Nka se kgone go boloka lentšhu la ka nako ka moka. Le wena o ka se ke. Eupša O swanetše go, go ba Modimo.

116 Kafao, re hwetša gore monna yo ga se a dumele seo, rakgwebo yo yo monnyane wa toropokgolo ya Jeriko. O be a na le kgwebo ye kgolo. O naganne o be a dira gabotse gohle. O be a ratwa ke baprista le senagoge. O be a ratwa ke dikereke, le diKiwani, le—le bontši bja mekgatlo ya letšatši leo, bjalo ka ge re ka bolela. Le ge go le bjalo, seo ga se re Modimo, go le bjalo.

117 Katlego ga se nke ya ra Modimo, ka mehla. Dinako tše dingwe ke pele morago.

118 Modimo o rile, “Ge o be o dutše lebaleng,” o boditše Israele, ka mading a gagwe mong, nako yeo o be a rata go Mo hlankela. Eupša ge a eba le go lekanela, o naganne o be a le, nako yeo ga se a hlwe a nyaka go dira le Yena, a fularela mokokotlo wa gagwe godimo ga Gagwe.

119 Jesaya o hweditše mohlala woo go tšwa go Usia kgoši, gobane Usia o be a le monna yo mogolo ge feela a bolokile go ikokobetša pele ga Modimo. Ga se nke a bapala dipolitiki. O dutše le Modimo, gomme Modimo o mo šegofaditše. Mmušo wa gagwe o be o le kgauswi le wa Salomo. Eupša, ge a hwetša go itebelela mong!

120 Seo ke se e lego bothata ka batho lehono. Le se ke la tsoge le dumeletše seo se diragalela mokgatlo wo wa borakgwebo, goba le ile leroleng go swana le boati bja bona. Neng le neng ge batho ba fihla go lefelo go fihla—go fihla katlego e thoma go foufatša mahlo a bona go tloga go Lentšhu la Modimo, ba godimo ga maswika.

121 Usia o be a le monna yo mogolo, eupša o lekile go tšea lefelo la moreri, letšatši le lengwe, go ya ka gare le go tshuma diorelo. Gomme moprista mogolo, le lešaba la ba bangwe baprista, ba tlile go mmotša, “Ga se o swanele go dira seo. Wena o no ba moleloko wa kereke.”

122 Gomme lena borakgwebo elelwang seo, le lena. Rena bareri re na le nako ye thata e lekanego go bolokeng Selo se se otlogile. Ga se ga maleloko a kereke. Maleloko a kereke a na le karolo ya bona, eupša phuluphithi ke ya modiredi yo a hlomamišetšwego. “Modimo o bea, ka Kerekeng, banna bakeng sa dilo tša.”

123 Gomme gona re hwetša gore o tšere moruswi gomme a ya ka gare, go le bjalo. Gomme Modimo o mo rathile ka lephera, gomme o hwile e le wa lephera. Le a bona, ge re phagamišetšwa godimo!

124 Sakeo o be a nyakile go ba ka go seemo seo. O be a atlegile. O be a eme gabotse le rabi. O be a eme gabotse le disoaete tšohle. Kafao o naganne, ge a tsena go bothata bjo itšego, o tla

farafarwa, Sanhedrin e be ele thwi bakeng sa gagwe. O ema mo kgorong. O ya go dira se sengwe bjale. O ya go sepelela ntle le go tšea Mothaka yo, le go Mmotša sefahlegong sa Gagwe, “Wena o moprofeta wa maaka. Ga go selo go Wena. O no ba o tšea go bala ga monagano, le go fora batho.” Le a bona, ga se nke a ema go bala Lentšu.

Fao ke moo phošo e dirwago lehono.

¹²⁵ Ge Israele e ka be e dirile seo seabakeng sa go dira seo ba se dirilego, ba ka be ba le ba bakaone lehono. Eupša ba ile ba swanela go dirwa ka tsela yeo. Go be go swanetše go phethagatšwa, mahlo a bona go foufatšwa, gore re be le monyetla. Ge go ka be go se ka seo, re ka be re le kae? Hlokomelang.

¹²⁶ Eupša ge a fihla fale, o hwetša gore ga a kgone ebile le go bona selo. Ga a kgone go bona mokgotha, go no ba bontši bja batho bjalo bo kgobokane go dikologa, mogohle. Kafao o a nagana, “O a tseba ke eng? O ya godimo . . . Ba mpoša, Rebeka o mpoditše, gore, lehono, O be a eya go ja ga—ga Lavinski.” Ke a hutša ga go na Lavinski fa. Eupša, restorante ye, mophenkgišani wa gagwe. Uh-huh. Kafao o be a eya go ja kua go restorante ya gagwe, mohlomongwe. “Kafao ke a tseba, go fihla fale, re tla swanela go ya tlase, go tepoga go tloga go Mmila wa Gootlologa fa, tlase go Mokgotha wa Haleluya,” re tla e bitša.

¹²⁷ Ona ke maina a go se hlamatsege, eupša ke no dira seo go dira tiragatšo. “Gomme re swanetše go tepogela khoneng fa, go tloga Mmila wa Gootlologa, go ya go Mokgotha wa Haleluya.” O no tšwelapele mokgotha woo botelele go lekanela, gomme o tla fihla go Mokgotha wa Haleluya. E no ya go otlogoga.

¹²⁸ Kafao o ya tlase, ka pela. O rile, “Ke wa leemo le lennyane.” A thintho boyena bja gagwe bjo bonnyane: a gogela ditedu tša gagwe fase; o bone o be a tšhetše senkgišabose feela gabotse; manala a gagwe a hlwekišitšwe. O eme mo khoneng, o rile, “Ke tla Mmona ge A feta kgauswi, gomme ke tla Mmotša seo ke naganago ka Yena ge A feta kgauswi.” Kafao o ema mo khoneng.

¹²⁹ Gomme a ba le go nagana, “O a tseba ke eng? Sehlopha sela sa go swana se tla Mo latela. Ba tla be ba le fa thwi, gomme ba tla no. . . Ke yo monnyane kudu, nka se tsoge ka kgona go Mmona, kafao nka se dire gabotse kudu go ema fa. Nka se be bokaone go tloga fa go feta ke bile tlase fase. Gomme, o a tseba, o dumela ke eng—ke eng ke tlogo e dira? Mohlare wa mosikamoro šo fa, kafao ke a dumela ke tla no namela godimo go mohlare wo wa mosikamoro. Gomme kagona ke tla kgona go Mmona, le go hwetša mmono wo mobotse go Yena ge A feta kgauswi. Kafao A ka se tsoge a mpone godimo fale go mohlare wola. Gomme go na le lekabe leo le tšwago fale; gomme ke tla no dula thwi go lekabe lela le go Mmogela ge A etla ponagalong, le ge A tloga ponagalong. Ke tla ba le mmono wo mmoitse wa Moisa yola.”

¹³⁰ Gomme kafao, selo sa pele le a tseba, o thoma go leka go bona ka fao lekabe le bego le le godimo ka gona, gomme le be le le gannyane kgole go fihlelelwa.

¹³¹ Le a tseba, ka kgonthe, kgato ya pele e no ba kgole gannyane go fihlelelwa. Re swanetše go e amogela ka tumelo. Ya. E no ba gannyane bontši go feta mogopolo wa motho go kgona go hlalosa. O ka se kgone go hlalosa Modimo. Ge o dira, gona ga A sa amogelwa ka tumelo. O swanetše go Mo dumela. “Yena yo a tlogo go Modimo o swanetše go dumela gore O gona, gomme Moputsi wa bao ba Mo nyakago ka kgonthe.”

¹³² Kafao re hwetša moisa yo monnyane yo wa go tsebega, yo mongwe wa borakgwebo ba toropokgolo, o rile, “Bjale, ke ya go namela bjang?” Gomme mohlomongwe ka mogongwe setšholla matlakala se be se se sa tla ka mosong woo, gomme go be go na le metomo e dutše mo khoneng, e tletše ka—ka mabodi a toropokgolo. Kafao ba . . . O rile, “Ge nka kgona go hwetša motomo wola, nka kgona go fihlelela godimo le go swara lekabe.”

¹³³ Go a tlabo, ka fao Modimo a tlišago banna ba gagwe go dira dilo tša go tšwafiša. Kafao, eupša, o a tseba, ge o ikemišeditše o nyaka go bona Jesu, o tla dira dilo tša go tšwafiša, ge o ikemišeditše o nyaka go; ka kgonthe o—o hlokofetše, o nyaka ka kgonthe go tseba seo sohle Se lego mabapi le sona.

¹³⁴ Gomme yeo e be e le kgopolo ya Sakeo. O nyakile go hwetša ke eng se ka moka se bego se le mabapi le, o be a kwele. Kafao o re, “Bjale ga go na motho tikologong, kafao ke tla ngwegela godimo gomme ka swara motomo wa matlakala le go o gogela ntle fa, le go ya ntle fa go mo—mo mohlare. Gomme kagona nka kgona go fihla go lekabe la mathomo, le go tla godimo—godimo ka kua ga mokgotha ge A feta kgauswi.” Eupša ge a thoma go goga motomo, o be o le boima kudu go yena go o goga. O be a le mohuta wa monna yo mokopana, yo monnyane ka seemo. Selo se nnoši go dira, gona, o be a swanetše go o kuka. Bjale, o be a apere diaparo tša gagwe tše botse.

¹³⁵ Le a bona ka fao diabololo a dirago? O no leka go bea se sengwe le se sengwe tseleng ya gago. Kafao o—o tla šuthiša se sengwe le se sengwe, pelaelo ye nngwe le ye nngwe, bošaedi bjo bongwe le bjo bongwe a ka bo kgonago, go go thibela go bona seo e lego Therešo. O no ba gabotse go direng seo.

¹³⁶ “Kafao ke apere diaparo tša ka tše botsebotse,” a ka be a rile. “Gomme šefa, ke—ke, ge nka swara motomo wola wa matlakala, ke tla tšhilafala.”

¹³⁷ Le a tseba, go na le batho ba bangwe ba naganago, go dula ka kopanong ka tsela ye go ka go tšhilafatša gannyane, mohuta wa magareng ga sosaete le batsebalegi ba toropokgolo. Eupša ge ka kgonthe o ikemišeditše go bona Jesu, o tla tla, go le bjalo.

Yeo ke nnete. Kafao, go na le selo se setee go dira, ge monna a ikemišeditše go bona Kriste, ga go na selo se ya go go mo thibela.

¹³⁸ Kafao o obeletša fase gomme a swara motomo wa matlakala, gomme šo o a tla. Feela ka nako a na le yona a e gokaretše godimo ka matsogong a gagwe, gabotse, baphenkgišani ba gagwe ba tla go rarela khona, ba babedi goba ba bararo ba bona. Ba rile, “Gabotse, lebelelang Sakeo. O fetotše maemo a gagwe. O šomela toropokgolo bjale.” Ke eleletša sefahlego sa gagwe se sennyane se eba se sehubedu gampe.

¹³⁹ Ke a makala, bošegong bjo, ge poso a ka tla ka gare le go bona ba bangwe ba lena borakgwebo fa, le dutše ka kopanong go swana le ye yeo e bitšwago “bapshikologi bakgethwa,” ke a makala ge eba sefahlego sa gago... Gabotse, o šetše o tswalantšwe, kafao gabotse o ka no dula go iketla bjale. Sakeo o be a šetše a na le wona ka matsogong a gagwe; o be a šetše a bonagetše. Gomme o šetše o tsene ka gare fa, kafao o ka no dula go iketla, eya pele go kgabola le yona, o dutše ka gare fale.

¹⁴⁰ O be a na le matsogo a gagwe go raretša pakete ya matlakala. Ke selo mang go rakgwebo! Šo o a tla, sefahlego sa gagwe se hubetše. Gomme bona ba re, “Gabotse, o tseba eng, Sakeo?” Le a tseba, e bile go hlaba gabotse, kgwebo e bile, kafao o a hwetša. Ba re, “Šo o fa. Bjale o šomela toropokgolo. Ke a tseba, ke a tseba kgwebo ya gagwe e gampe, bonang ke mohuta mang wa mošomo a o hweditšego.”

¹⁴¹ O be a ikemišeditše go bona Jesu, go sa kgathale. O be a kwele ka ga yona, gomme o nyakile go tseba bakeng sa gagwe mong.

¹⁴² Ke duma go Modimo gore monna yo mongwe le yo mongwe a ka tšea mkgwatebelelo woo. Ge o kile wa ke wa kwa ka ga Yena, nyakišiša. Ga se a hwa. O a phela, feela bontši bjalo fa ka go lefelo le bošegong bjo bjalo ka ge A bile mo lešing la Galelia. “Bonang, Ke na le lena ka mehla, le go fihla bofelong bja lefase. Mediro yeo Ke e dirago, le tla e dira le lena.” Seo ga se bjalo, gona O be a le Mesia wa maaka; O be a se me—me Mesia yoo A swanetšego go ba. Eupša ge A tšwetšapele le go boloka tshepišo ya Gagwe, O sa le Modimo yoo a itirago Yenamong go tsebja go batho. O tla swanela go dira dilo tša go swana A di dirilego. Yeo ke tsela ya Gagwe ya go dira dilo. O swanetše go bontšha Boyena ka tsela ye A dirilego nako yela. Bahebere 13:8, Paulo a bolela le Bajuda, o rile, “Jesu Kriste o a swana maabane, lehono, le go ya go ile.” Kagona, O swanetše go ba wa go swana ka kokwane, wa go swana ka maatla, wa go swana ka se sengwe le se sengwe seo A bilego. O swanetše go swana lehono.

¹⁴³ Dinako tše dingwe, re bona mediro ya Modimo, ke a tseba go na le boikaketši bo hlakantšwe le yona. Ge o hwetša tolara ya bofora, seo se bolela eng go wena, lena borakgwebo? A o tla tlogela? A o tla ntšha tšhelete yohle ka pankeng le go e lahlela ka no—no nokeng gobane o hweditše tolara ya bofora? Tolara yeo ya

bofora e ra feela gore go na le tolara ya kgonthe yeo e dirilwego go tšwa go yona. Gomme Pentecost e tletše ka boekiši bja bonama. Eupša seo se ra eng? Go na le ya kgonthe fale felotsoko. Ke yo mongwe a leka go ekiša se sengwe seo yo mongwe gape ka kgonthe a nago. E no ba thekethe ya go ja. E no ba sa se Sengwe seo e lego sa mmapale, ka morago ga selo, seo yo mongwe a lekago go ekiša.

¹⁴⁴ Kafao re hwetša, Sakeo o rwele pakete ya gagwe ya matlakala. Gomme baphenkgišani ba gagwe ba theoga mokgotheng, ba mo sega. Eupša ga se e dire phapano ye itšego. O be a ikemišetše go bona Jesu. Gona o be a ka ba le kgopolo ka ga Gagwe.

¹⁴⁵ Re kgona go ka no hwetša maikutlo ao magareng ga rena, ge re ka no ba ba go ikemišetša, gore re ya go hwetša seo Se ka moka se lego mabapi le, ge eba ke Therešo. “Ge Modimo a le Modimo, Mo hlankeleng.” Eliya moprofa o boletše seo, ka godimo ga Thaba ya Karamele. “Ge Modimo a le Modimo, Mo hlankeleng. Ge yena Baali a le Modimo, mo hlankeleng.” Ge Jesu Kriste a ka se itsebiše Yenamong go no swana bjalo ka ge ka mehla A dirile, gona ga se A tsoge go tšwa bahung.

¹⁴⁶ Ge re no leka go tliša batho godimo ga go ipobola ga saekolotši, ge re ka no ba fetša go tšwa go Methodist go ya go Baptist, goba Baptist go ya go Mapentacostal, yona ke eng? Ke sehlopha sa saekolotši. Yeo ke nnete.

¹⁴⁷ Modimo yo a phelago Yo a hlotšego magodimo le lefase e sa le Mohlodi wa go swana. O sa le, ka motheo, Modimo wa go swana yoo A kilego a ba. Ke thakgetše ke bone Modimo pele kereke e ntshwara, go tseba gore go bile le se Bjalo.

¹⁴⁸ Ke bona dikgogakgogano tša bona, le ditshela, le meferefere. Ka mehla go bile ka tsela yeo, ka moka. Ba bile le selo sa go swana, gohle go kgabola Lengwalo.

¹⁴⁹ Eupša moisa yo yo monnyane o nyakile go bona Jesu, gomme o be a ikemišetše go go dira. O be a le rakgwebo, gomme o nyakile go dira kgwebo gabotse. Kafao, yena, ge a bile go ikemišetša. . . Mosadi wa gagwe gae, a rapela, gomme thapelo ya Rebeka e be e mo šetše morago. Gomme moisa yo monnyane o ile a swanela go namela mohlare. O ile a swanela go kgelempua godimo. . .

¹⁵⁰ Ga se ke re seo. Yeo ke polelo ya ka Borwa, ya “kgelempua.” Ke ba bakae ba tsebago ke eng “kgelempua godimo ga mohlare”? Gabotse, ke ba bakae ba lena Makentuckian le lego go tikologong fa go le bjalo?

¹⁵¹ O ile a swanela go kgelempua godimo ga mohlare, go ya godimo ga mohlare. Gomme šo fa, a dutše godimo fale bjale mo mohlareng, a phumola matlakala go tloga seaparong sa gagwe se seswa; a topa ditshetla go tšwa matolong le diatleng tša gagwe, fao a ilego a namela mohlare. Eupša go sa tshwenye go

diragetše eng, o be a ikemišeditše go bona Jesu. Gomme ge ka kgonthe o . . .

¹⁵² Kwang nna. Ge ka kgonthe o ikemišeditše go Mmona, ga o tshwenyege seo o yago go feta go sona, go swaswalatše ke mo go kaakang, ke eng batho ba bangwe ba se boletago. O nyaka go bona Jesu, o tla dira e ka ba eng go Mmona. O tla emela sebaka sa gago. O tla dira eng kapa eng o swanetšego go dira, feela gore o hwetše go Mmona.

¹⁵³ Bothata bja ntshe ke, bja lehono, ga ba nyorwa go lekanego. Ga go lenyora le le lekanego le tlala go batho. Ke a dumela kereke e swanetše go ba gannyane kudu go ba letswai go feta seo e lego sona.

¹⁵⁴ Letswai le hlola lenyora. Letswai ke go noka ge le kgoma. “Eupša ge letswai le lahlegetšwe ke go noka ga lona, ke gona ga le na mohola wa selo,” eupša le fetoga mokgatlo. Yeo ke nnete. Eupša o swanetše go ba le go noka ka go lona. Go noka ke letswai, maatla.

¹⁵⁵ Ge monna a bona Kriste a phela ka go wena, go tla mo dira a nyorelwe go swana le wena. Go tla mo dira a bone Jesu ka go wena, go mo dira a bone Modimo.

¹⁵⁶ Ba tsebile bjang Moshe o be a le wa Modimo? [Ga go selo go theipi—Mor.] Gomme ba tsebile gore Modimo o be a na le yena.

¹⁵⁷ Bjale re a lemoga, go swana le Petro a boletše ka Letšatši la Pentecost, mabapi le, “Lena banna ba Israele, ka fao le . . .” A bea molato moloko woo bakeng sa go bapola Morwa wa Modimo. O rile, “Lena . . . Jesu wa Nasaretha, Monna yo a kgonthišetšwego ke Modimo magareng ga lena, a hlatseditšwe ke Modimo, ka dika le matete ao Modimo a a dirilego ka Yena; le tšere Mokgoma wa Bophelo, ka diatla tše kgopo, le go mmapola.”

¹⁵⁸ A Nikodemo ga se a e hlagiša maikutlo ohle a bona gabotse? E be e le matsaka a leago a go ba wa se sengwe, seo ba paledišetšego go bona Jesu. Ba rile go Yena, “Rabi, re a tseba gore Wena o Morutiši, go tšwa go Modimo, gobane ga go motho a kgonago go dira dika tše ntle le ge Modimo a na le yena.” Ba e lemogile. Eupša ka lebaka la matsaka a leago, ba be ba lewa ke dihlong go e dumela.

¹⁵⁹ Ba swanetše go be ba bile go swana le monna wa sefofu yoo Jesu a mo fodišetšego.

Ba rile, “Monna yo ke modiradibe.”

¹⁶⁰ O rile, “Ke selo sa go tlabana. Lena, baetapele ba lehono, gomme ga le tsebe fao Monna yo a tšwago gona?” O rile, “Ge eba Ke modiradibe goba aowa, ga ke tsebe. Eupša selo se tee ke se tsebago ke: moo gatee ke be ke le sefofu, bjale ke kgona go bona.” Yeo ke yona. Seo ke selo se tee a ilego a se tseba.

161 Ke rata bopaki bja tutuetšo bja banna bao ba emago ka magareng ga batho le go re, “Ke a tseba go na le se sengwe. Se sengwe se diragetše go nna.”

162 Bjalo ka ge ke bolela ka kgaetšedi wa lekhalate, “Ga ke seo ke nyakago go ba sona, goba e sego seo ke swanetšego go ba sona, eupša go le bjalo ke a tseba gore ga ke seo ke bego ke le sona.” Se sengwe se tšere go mo swara.

163 Sakeo, a dutše godimo fale, a maraga ao a bego a le ka go ona, a dutše fale. Gomme le a tseba . . .

164 Ntheeletšeng. Banna ba ba dumelago Modimo, ba tsena marageng, go le bjang. Ba dira dilo tše ka go phethagala di lego kgahlanong ga mokitimo wa letšatši.

165 Theeletšang Moshe. Letšatši le lengwe, modiši wa dinku. Mohlabani yo mogolo ka Egepeta, go phološa batho ba gagwe, gomme a paletšwe. Morago o bile modiši wa dinku, bakeng la mengwaga ye masomenne. Monna wa go tšofala gabotse, a iketlile, moisa yo mokaone, a na le mosadi le lesea; Tsipora, Gerisome. Bjale re lemoga gore, ka morago ga ge Modimo a mo hweditše, gomme a bone Modimo ka sethokgweng se se tukago, letšatši le le latelago o bile le mosadi wa gagwe godimo ga mouna, ngwana lethekeeng la gagwe. Ditedu tše tšhweu di fofile. Leparala go kgopama ka seatleng sa gagwe, a hlhla mouna wa gagwe; phefo e tšutla. Hlogo ya gagwe ya lefatla e phadima, mo letšatšing la go fiša, a eya tlase ka Egepeta.

Yo mongwe o tla re, “Moshe, o dira eng?”

166 “Ke ya tlase ka Egepeta, go thopa.” Tlhaselo ya monna o tee, eupša o e dirile. Gobaneng? Modimo o mmoditše go e dira. Leo ke lebaka. Le a bona, go bonagetše—bonagetše bogaswi. Fao, monna o be a tšhabile go tloga lefelong, bjale o boela thwi morago.

167 Yeo ke tsela batho bao ba hwetšago Modimo, ba ikemišeditše go Mmona.

168 Šo o dutše. Morago ga nakwana, a thoma go nagana, “O a tseba, Rebeka o mmoditše Monna yo o be a le Moprofeta. Ke belaela seo ka kudu ruri. Ga ke e dumele. Ga ke dumele go na le baprofeta ba letšatši le. Ge go ka be, moprista wa ka a ka be a mmoditše ka ga yona. Moprista wa ka ke yo mongwe wa bahlanka ba Modimo, kafao a ka be a mmoditše ka yona.” Yeo e lokile.

169 Eupša, le a bona, ga se nke ebile bodumedi bja go kgatlofatšwa bja lefase bja ke bja amogela motseta go tšwa go Modimo le neng, ga senke bja dira. A Jesu ga se nke a re go bona, “Lena Bafarisei ba difofu, le hlwekiša mabitla a baprofeta, gomme ke lena le ba beilego ka gare fale. Ke ofe wa baprofeta Tate a mo romilego, yoo le sa ka go la mmolaya le go mmea ka lebitleng, ka gobane o bontšhitše pele go tla ga Yo a Lokilego?” Le a bona?

170 Fao, gona, re hwetša, šo o fa, a dutše godimo fale. Le a tseba ke eng? Ke a holofela tiragatšo ye ga e kwagale go tšwafiša, eupša ke ya go nagana o rile, “Bjale, ema motsotso, ge Moisa yola a ka direga go mpona ke dutše godimo fa go lekabe le!” Gomme o dutše fase fao makabe a mabedi a fapanago. Gomme o be a dutše fale, a gopodišiša ka yona.

171 Leo ke lefelo le lebotse go dulwa, fao ditsela tša gago le ditsela tša Modimo di kopanago. Leo ke lefelo le lebotse go e nagantšhiša. Gomme ke a holofela gore motho yo mongwe le yo mongwe ka fa, yoo a sa nka go a kopana le Yena, gomme ka kgonthe o tseba gore o tswetšwe gape ka Moya wa Modimo, gore o dutše godimo ga lekabe lela bošegong bjo. Eupša, lena borakgwebo, ke a holofela le dutše fao re lekago go re Sakeo o be a dutše, godimo mo mohlareng wa mosikamoro, le makabe fao ditsela tse pedi di kopanago, ya lena le ya Modimo.

172 Gomme o rile, “O a tseba seo ke dumelago ke tlo se dira? Ke tla no gogela gare mahlare a fa gomme ka ipipa.” O itatile yenamong gohle godimo. O itlogeletše yenamong lešobana le letee leo a ka go lebelela ka lona, le a tseba, lehlare le letee, a ka go le gogela fase, gomme a re, “Ke tla Mmona ge A etla, eupša Yena a ka se tsoge a mpone. A ka se tsoge a tsebile ke godimo fa.”

173 Kafao ge a sa dutše fale, ka morago ga nakwana, a nagana ka yona, fale go tla lešata go rarela khona.

174 Ke selo sa go tlabo, eupša, mogohle Modimo a lego, go bonala go na le lešata le lentši. Seo se a tlabo, eupša ke sona.

175 Le a tseba, Jesaya, ka tempeleng, ka morago ga lehu la Usia, o be a le tlase fale. Gomme o kwele lešata, gomme tempele ka moka e be e thothomela. Direpodi tša tlošwa madulong a tšona. Gomme go be go na le Barongwa, Barongwabatuki, fale, bao e lego Makerubi, babeši ba dihlabelo, go fa basokologi tokelo ya tsela go ya aletareng. Diphedi tšela tše kgolo, ka godimo ga Barongwa, ka diphego tša Bona godimo ga difahlego tša Bona, le diphego godimo ga maoto a Bona, gomme ba fofa ka diphego tše pedi, ba goelela, “Mokgethwa, mokgethwa, mokgethwa, ke Morena Modimo Ramaatlakamoka.”

176 Ge Morongwa a khupetša sefahlego sa Gagwe se sekgethwa, go kopana le Modimo, re ya go tšea bjang thutotumelo le go ikhupetša ka yona? Go ya go tšea Madi a Jesu Kriste go re khupetša, gona ke rena barwa. E sego fešene ya se, goba fešene ya seo, eupša Madi. Modimo ka mehla o . . . Lefelo la gagwe le nnoši go kopana le motho bakeng sa kopanelo ke ka tlase ga Madi a a tšhologilego, fao peu Bophelo . . .

177 Ka go sehlabelo sa kgale ka tlase ga mo—mo molao wa Moshe, ba tlišitše phoofolo. Gomme ge ba thubile sedibelwana sa madi sa phoofolo, kwana, morapedi o rapetše. Eupša bophelo bjoo bo bego bo le ka go phoofolo bo be bo sa kgone go bowa morago godimo ga morapedi, ka gobane e be e le bophelo bja

phoofolo bo hlokago soulo. Gomme bo be bo sa kgone go bowa morago godimo ga morapedi. Kagona e be feela e le se—se seširetšo. E be e no ba lefelo go ba go fihla nako ye itšego.

178 Eupša morago ge ditšhika tša Imanuele di thubutšwe, Jesu o be a se le ge e ka ba Mojuda goba Montle. Le a bona? Bong bja tona go bea ntle peu ka himoklopini, gomme sedibelwana sa madi se tšwa go ye tona. Ya tshadi . . .

179 Gomme lena batho ba Katoliki, e se go ganetšana le lena, eupša go mmitša, “Maria, mmago Modimo,” Modimo a ka ba bjang le mme? O be a no ba sealamedi.

Le re, “Gabotse, le—le lee le tla go tšwa go mosadi.”

180 Eupša lee ga se le tle go tšwa go Maria. Ge lee le e tla go tšwa go Maria, gona go swanetše go be le maikutlo. Lebelela fao o beago Modimo. Modimo o hlotše bobedi lee le sedibelwana sa madi.

181 O be a se le ge e ka ba Mojuda goba Montle. O be a le Modimo, ga go selo bonnyane. O be a le Modimo, a bonagetše nameng. A Yena ga se a re, re bala ka Mangwalong, gore, “Modimo o be a le ka go Kriste, go boelanya lefase go Yenamong”? O be a le Imanuele. O rile, “Go Nna, yo . . .”

182 O boletše mo Mangwalong fa, gabotse, “Ke mang a ka go Mpea molato wa sebe? Ke šitilwe kae go dira tlwa seo go ngwadilwego ka Nna? Puruputšang Mangwalo. Le nagana le na le Bophelo bjo Bosafelego, ka go A puruputša, gomme ke Ona A pakago ka Nna. Gomme ge Ke sa dire mediro ya Tate wa Ka, gona se Ntumeleng. Eupša ge Ke dira mediro, le ge le sa kgone go Ntumela, dumelang mediro yeo Ke e dirago, gobane e hlatsela Yoo Ke lego.”

183 Oo, ke eng se Mokriste a hlaelwago lehono, sa monyetla woo Modimo a mo filego, le sa dilo ka Beibeleng! Ke rata bjang go tšea sehlogo go tšwa fao! Nako e ka se dumele.

184 O kwele lešata. O phagametše godimo. O rile, “Gabotse, bao e swanetše go ba bona bapshikologi bakgethwa ba tlogo.” A tlogela lehlare fase, a leta motsotso. Morago ga nakwana, o lemogile, go tla go rarela khona.

185 Go swanetše go ba go bile le yo mogolo, senatla sa moisa ntle ka pele. Ke kgona go mmona, mohuta wa moisa yo motelele bjalo, wa mphaphathi, magetla a go otlologa, a ka ba mengwaga ye masometshele tlhano bogolo, a sepela mmogo ka lepara ka seatleng sa gagwe. Yoo e swanetše go ba yo re mmitšago, O mmitšitše, “Simone,” gomme a mo fa leina le lengwe la *Petro*, le rago “boipolelo,” goba “letlapa le lennyane.”

186 Ka morago, banna ba lesomepedi go Mo dikologa. Batho ba kitimela ntle, go kgwatha ra—ra Rabi ge A batamela kgauswi. Ke kgona go ba kwa ba re, “Le se kgwathe Rabi. O be a lapile. O rerile bošego bjohle. Maatla a tlogile go tšwa go Yena. O

makgwakgwa, go tšwa go go bolela. Le se kgwathe Mong wa rena. O swanetše go ya tlase bjale. O swanetše go ba le dijo tša Gagwe tša mosegare. Ke nako ya Gagwe ya go ja. Gomme hle le se Mo kgwathe. Emelang thoko, a le ka, hle, gomme le dumelele Rabi go kgabola.”

¹⁸⁷ Šo O eme. Gomme ge Sakeo, rakgwebo wa rena yo monnyane wa Jeriko, ge a bona Jesu la mathomo, O bonagetše go fapana go tloga go monna e ka ba ofe a kilego a ke a mmona.

¹⁸⁸ A re beeng tiragalo ye nnyane fa. Mohumagadi o sepeletše ntle le lesea le lennyane. Sakeo o lebelela kua ka tsela *ye*, go bona ke mang. “Oo, ke a e lelewa ge ngaka a be a le ntlong letsatši le lengwe. Ke be ke eme fale ge moprista a be a eme fale, le yena. Ngaka o re, ‘Ngwana a ka se phele. Mmeyer ka kamoreng gomme o tswalele mabati ohle. O se dumelele moya ka gare.’ Gomme fa lapa lela la go hlanya le kwele ka ga Monna yo wa bofora, a ipitšago Yenamong Moprofeta wa Galelia. Go tla godimo fa, le go tliša lesea lela, gobaneng, wo, molao wa toropokgolo o swanetše go Mo swara. Ke tla bona go seo, ge re kopana, poto. Re tla hwetša ge e ba monna, yo a ka latelago lehlanya la se sengwe go swana le leo, a ka se hlokomelwe. O lahlegetšwe ke monagano.”

¹⁸⁹ Gomme ke bona monna a kitimela ntle gomme a re, “Ke na le ngwana yo a hwago fa, mohlomphegi. A o ka no dumelela Moprofeta go mo kgwatha? Ke a dumela gore ke Yena Moprofeta wa Modimo. Ke Mmone dikopanong tše dingwe, gomme ke kwele ka ga Gagwe, gomme ke a tseba.”

“Aowa. Ke maswabi. Go na le ba bantši kudu.”

¹⁹⁰ Eupša, ka morago ga nakwana, mosadi yo monnyane o tla ntle, a swere lesea, gomme lesea ga le phele. “E no Mo dumelela a le kgwathe. Seo ke sohle ke se nyakago. Ke a Mo dumela. Ke a dumela, ge A ka kgwatha lesea la ka!”

¹⁹¹ “Re no se kgone go e dira, mohumagadi.” Yena kgole go tloga go bona, go le bjalo, a ema mehlaleng ya Gagwe.

Gomme morago ke bona Sakeo a gogela lehlare morago le go bogela.

O rile, “Tlišang lesea fa.”

¹⁹² Ge ba tlišitše lesea fale, feela mmejana wo monnyane, o fufulelwa, o fiša kudu. Ba gogetše morago tša go khupetša. A bea menwana ya Gagwe godimo ga lona. Mme a eme fale, ka a gagwe a mabotse, mahlo a Mojuda. Dikeledi di leketla go theoga marama a gagwe. Gomme tate a eme fale, ka diatla tša gagwe moyeng, a dumela. Gomme O bea monwana wa Gagwe godimo ga lesea, gomme mpshikela wa tloga. Moisa yo monnyane a tabogela ntle ka matsogong a mmagwe gomme o ile pele go theoga mokgotha.

¹⁹³ Sakeo a fetotše mogopolo wa gagwe. “Go swanetše go ba se sengwe sa kgontha ka Monna yo. Eupša, bokaone ke hlokomelwe.”

Bokaone ke fele ke beile lehlare la ka fase, gore A se mpone. O tla ka tsela ye.”

194 O ka se tsoge wa ba le tebelelo ya therešo go Jesu Kriste gomme wa fela o dutše go swana. Go na le se sengwe ka ga Yena seo se fapanago go tloga go banna ba bangwe bohle. Ge o ka tsoge wa Mo kwa a bolela, o tla ba bjalo ka masole a Baroma, “Ga se nke gwa ba le motho a bolela go swana le yo.”

195 Baprista ba boletše ka se sengwe. Motho o sa no ba le tlhago ya go swana. Re na le yona lehono. Motho ka mehla o roriša Modimo go seo A ilego a se dira, le go lebelela pele go seo A tlogo se dira, gomme a hlokomologa seo A se dirago. Yeo e no ba tlhago ya motho. Ka mehla go bile tlhago yeo.

196 Eupša monna gatee a lebelela, Jesu Kriste, a ka se tsoge a ba wa go swana, a ka Mmona a bonagaditšwe.

197 Leo ke lebaka, ge o swailwe ka Moya wo Mokgethwa, leswao le ka mahlakoreng a mabedi a lephephe, bobedi a etla le go ya. Ba ka kgona go bona mosepelo, polelo, Bophelo bja Kriste bo bonagatša ka seo, mo bathong ba Gagwe. Woo e be e le morero wa Gagwe wa lehu, gore Kereke e ke e tšwetšepele mošomo wa Gagwe. Eupša re kgobokantšhitše godimo ka go sehlopha sa se sengwe le se sengwe.

198 Bjale re a lemoga, ge A thoma go ya pele, a sepela go theoga mokgotha. Sakeo o phagamiša lehlare la gagwe godingwana gannyane, o nyaka go ba le go Mmona gabotse ka kgonthe ge A feta. Bjale o khurumeditšwe godimo gohle, a iphihlile gabotse ka kgonthe. Gomme ka morago ga nakwana, o swanetše go phakgama ka tsela ye, go lebelela. Jesu o be a etla ka tlase ga gagwe.

199 Feela bjalo ka ge A feta kgauswi, Jesu o eme, o lebeletše godimo, o rile, “Sakeo, phakiša. Theogela fase ga mohlare. Ke ya gae le wena bakeng sa matena lehono.” A phapano! O tsebile yoo e be e le Moprofeta yoo Morena Modimo a mo tsošitšego. E sego feela go tseba o be a le mohlareng, eupša o tsebile leina la gagwe e be e le mang.

200 Beibele e rile, “Lentšu la Modimo le bogale go feta tšhoša ya magalemabedi, go phuleletša ebile go arogantšha, moko wa lerapo, le Mohlathi wa dikgopolo le maikemišetšo a pelo.” “Mathomong go be go le Lentšu, gomme Lentšu le be le le Modimo, gomme Lentšu le be le le Modimo. Gomme Lentšu la dirwa nama le go dula magareng ga bona. Gomme re Mmogetše, Motsalwanoši wa Tate.”

201 Šole o be a le, Lentšu la Modimo, le bonagaditšwe go Sakeo yo. Go theoga go tšwa mohlareng a tla, ka pela, go sokologa.

202 Sakeo, rakgwebo fa bošegong bjo, elelwa, o ka se kgone go ipihlila ka tlase ga mahlare a mogo. O tseba feela tlwa fao o dutšego. O a go tseba. O tseba ke wena mang. O tseba leina la

gago. O a tseba gobaneng o le fa. O tseba tšohle ka ga yona. Yeo ke nnete.

203 Gomme rena ba re kopanego le Yena, le go Mo tseba, le go ba barutiwa ba Gagwe, re tseba se A lego le se A se direlago batho. Re a tseba gore O dula a le wa go swana.

204 Sakeo o theogetše fase, ka mokgwatebelelo wa boitsholo. O rile, “Ge . . . Morena, ge ke jabeditše motho yo itšego, ke tla lefela morago. Ke tla tšea tšhelete ya ka; ke tla fa bahloki.” Le a bona, o be a šetše a hweditše Phetha yela ya theko ye kgolo. O be a hweditše se sengwe seo se bego se le kudu go feta kgwebo ya gagwe. O be a hweditše se sengwe, Se sengwe seo.

205 Gomme banna ka moka ba leka go fihlelela se sengwe. Eupša ge o lahlegelwa ke Bophelo bjo Bosafelego, diphihlelelo tša gago tšohle di go diretše eng? Lehumo le legologolo leo monna a ka go le hwetša ke go hwetša khunologo.

206 Bjalo ka ge ke boleletše, go Testamente ya Kgale, ge sedibelwana sa madi se thubilwe go tšwa go kwana, a be a sa kgone go tla morago godimo ga morapedi, kagona o ile ntle le tumo ya go swana go dira sebe. Eupša go taba ye, ge, ka tumelo re bea diatla tša rena godimo ga sedibelwana sa Madi se se thubilwego kua Khalibari; e sego a Mojuda, ebile e be e se sedibelwana sa madi a Montle. E be e le Madi a Modimo, gomme ge Bophelo bjola bjoo bo tšwilego fale bo tliša morago Bophelo bja Modimo go rena, e lego Bophelo bjo Bosafelego. Lentšu la Segerike fao le šomišitšwe, Zoe, go rago, “Bophelo bja Modimo Mong,” gomme bjona Bophelo bo bego bo le ka go Kriste, e bego e le Modimo.

207 Mmele e be e le Motho, ka kgonthe. Eupša Modimo, Mohlodi, Yo a dirilego motho wa mathomo! O be a etšwa kae ge A be a sa nka a mo dira? Modimo, Mohlodi, ntle le thušo ya e ka ba eng, o hlotše Adama. Modimo, Mohlodi, o dirile Motho, Kriste Jesu, Morwa wa Gagwe, ka popelong ya Maria. Gomme O be a le Imanuele. Gomme ge sebe. . .

208 E sego ka gobane O be a swanetše go hwa; O bo beile fase. Eupša ka gobane sebe se rathile, lerumo leo le robilego pelo ya Gagwe, nako yeo se sengwe se diragetše. Bophelo bo boile morago godimo ga morapedi. Gomme ke eng? “Gona ga re sa na letswalo la sebe,” go bolela mongwadi wa Bahebere. “Kganyogo ya sebe e tlogile.” Gona, bjale re lokologile.

209 Sakeo; ge ba bone Jesu a namela Gologotha, go bapolwa.

210 Ga go pelaelo eupša seo diabololo ka mehla o Mmelaetše. Diabololo o Mmelaetše ge la mathomo a Mmone, ge A ile ka lešokeng, ka morago ga ge Moya wo Mokgethwa o tlile godimo ga Gagwe. O rile, “Ge O le Morwa wa Modimo, re bontšhe mohlolo. Fetolela matlapa go ba borotheo.” Diabololo yola ga se a hwe le bjale. “Mpontšhe mohlolo.”

Jesu o rile, “Go ngwadilwe, gore, ‘Motho a ka se phele ka borotho bo nnoši.’”

211 Ge ba Mo swere godimo fale ka jarateng, sehlopha sa diabololo, bona masole a Baroma, ba Mo tlemile diatla ka morago ga Gagwe, gomme morago ba Mmetha ka mokokotlong ka mahlaka le katse ya mesela ye senyane, go fihlela go phethagatša seprofeto sa baprofeta. “Ka gore O gobaditšwe bakeng sa dikarogo tša rena, o tlapirigantšwe bakeng sa bokgopo bja rena, kotlo ya khutšo ya rena godimo ga Gagwe, gomme ka megogoma ya Gagwe re fodišitšwe.” Gomme ge A be a kobegela godimo. . .

212 Gomme masole a bofile lešela go rarela hlogo ya Gagwe, gomme ba Mmetha mo hlogong ka lehlaka. Gomme ba le fetišetša o tee go yo mongwe, gomme ba re, “Ge O le Moprofeta, re botše ke mang a Go bethilego. Re tla Go dumela.” Dikwero tšeo, le mare a masole a go tagwa godimo ga sefahlego sa Gagwe!

213 Diabololo o rile, “Yoo e ka se be Modimo. Yoo ebile e ka se be moprofeta. Ke mofori.” A sa tsebe gore Mangwalo a swanetše go phethagatšwa.

214 Gona ge re Mmona a eya godimo Khalibari, Mo lebelele. Ke nyaka batheeletši ba go hwetša pono ya Gagwe. A re yeng morago, mengwaga ye makgolo a lesomesenyane ya go feta, go sebakanyana, gomme le mphe šedi ya lena. Ke leswiswi godimo ga Jerusalema. Gobaneng? Sehlabelo se gannwe ke Jehofa. Se sengwe se itokišetša go direga. Bjalo ka ge madi a tshungwa mo aletareng, Modimo o a ganne. Sehlabelo sa kgonthe se ya godimo mokgotheng. Ke kgona go kwa go pampa ga se sengwe. Lebelela fase, šefale go sepela sefapano sela sa kgale sa makgwakgwa, ka tlase ga kahlolo ya lehu ya Roma, ya Monna yo a sa dirago selo.

215 Gomme ke kgona go bona mosadi yo monnyane a kitimela ntle ka pele, gomme a re, “Ke eng A e dirilego eupša go fodiša balwetši le go tsoša bahu ba lena?”

216 Yo mongwe o mo phasotše mo sefahlegong, gomme o rile, “O tla dumela mosadi yola pele o ka dumela moprista wa gago? Kgole le Monna yo bjalo!”

217 Lebelela jase ya Gagwe. Go na le dipatso tše nnyane tše khubedu gohle godimo ga yona, ka morago. Ge A eya pejana godimo ga thaba, tšona dipatso di ba tše kgolo le tše kgolo. Ka morago ga nakwana, tšohle di hlakana go ba se tee. Go na le se sengwe re runyago kgahlanong le Yena. Ke eng? Ke Madi a Gagwe. Gomme sefapano se gogola mehlala ya maoto a Moswari.

218 Ke kgona go bona nosi ya lehu e etla godimo fale, e bobola go Mo rarela. “Ke tla Mo hwetša bjale. Ge A le moprofeta, A ka be a—A ka be a dirile se sengwe tlase fale ge ba be ba tshwela mo sefahlegong sa Gagwe. Ge A be a le moprofeta, O be a ka se dire seo A se dirago bjale. Ke a tseba gore ke tla Mo hwetša.”

219 Le a tseba, nosi ye nngwe le ye nngwe, khunkhwane ye nngwe le ye nngwe, e na le lebolela go yona, gomme lebolela leo ke selo se se be.

220 Gomme lehu le na le lebolela go lona. Eupša Modimo o be a swanetše go dirwa nama. O kgonne go loma moprofeta gomme a mo swara. O kgonne go loma monna wa moloki gomme a mo swara. O lomile Dafida gomme a mo swara. Eupša fa go Modimo, gomme ga a e tsebe. Nosi ye e rotoga go tšwa heleng, e bobola go Mo rarela. “Ke tla Mo hwetša.”

221 Eupša ge nosi e ka tsoge ya tsema lebolela la yona botebo go lekanela, e gogela lebolela la yona go tšwa go yena.

222 Gomme ge nosi yela ya lehu e ka kgona go tsema lebolela la yona ka go motho go swana le nna goba wena, a ka kgona go tšwa le lona. Eupša go bile le mme—mme mmele o lokišitšwe; eupša ge a tsemile lebolela la gagwe go Jehofa, nama ya Modimo, e hlotšwego, e sego tumo ye itšego ya thobalano. Ge a tsemile ka go nama yela, o lahlegetšwe ke lebolela la gagwe. Gona, ga a sa na le lebolela.

223 Ga go makatše yo mogolo yola Mokgethwa Paulo o kgonne go ema, ge ba be ba aga lefelo fale go kgaola hlogo ya gagwe go lona. O rile, “O lehu, lebolela la gago le kae? Lebitla, phenyo ya gago e kae? Eupša a go lebogwe Modimo, Yo a re fago phenyo ka wa rena Morena Jesu Kriste.” Ee.

224 Oo, ge motho gatee a swara mmono woo, se sengwe le se sengwe gape se tla ka morago. Kgwebo ya gago etla ka morago, se sengwe le se sengwe gape. Aowa, ga go tshwenye kudu kudu. O no ba feela o eya go dula fa nako ye kopana, eupša Sela pele. “Go tla hola motho eng ge a lahlegelwa . . . a hwetša lefase ka moka, gomme a lahlegelwa ke soulo ya gagwe?”

225 Sakeo! Oo, Sakeo! Mohlomongwe ga se Rebeka kua gae, a rapela, eupša mohlomongwe mme yoo šetšego a fetetše ka kua ga garetene. Dithapelo tša gagwe di sa dutše mo aletareng ya Modimo. Ge go le bjalo, Sakeo, theogela fase go tloga ka morago ga mahlare ao a mosikamoro bošegong bjo: korone yeo ya thutotumelo ya kereke ya leina yeo o e swareletšego, ntle ga Tswalo ye Mpsha; gore se sengwe seo o se swareletšego, gomme ga se nke wa ke wa ba le bohlatse bjo itšego gore Modimo o be a le ka go yona. O tseba thwi fao o dutšego. Gobaneng o sa e dire?

A re inamišeng dihlogo tša rena feela sebakanyana.

226 Ramaatlakamoka Modimo, Jehofa yo mogolo le go boifiša Yo a rorilego go tšwa go Thaba ya Sinai, ebile go fihla batho ba rile, “A nke Moshe a bolele gomme e sego Modimo, goba re a hwa.” Bolela bošegong bjo, Tatewešu wa Magodimong, ka kgaogelo le tshwarelo, ka gare ga dipelo tša batho bao ba sa Go tsebege. Gomme a nke ba tsebe gore ye ke nako. Gore, bona mohlomongwe ba utamile ka morago ga kgwebo ya bona. Go ka be go na le borakgwebo ba bantši fa, Tate, bao—bao ka kgontho

ba sa Go tsebego. Mohlomongwe ke ba kereke, gomme ga re bolelo selo kgahlanong le seo. Eupša ga se nke ba ke ba tswalwa gape. Ga ba tsebe ka kgonthe seo e lego.

227 Gomme re tseba gore ga go le se sennyane se setee goba mothalo o tee ka mokgwa wo itšego o ka tsogego wa feta go tloga go Lentšu la Gago. O rile, “Magodimo le lefase di tla feta, eupša Lentšu la Ka le ka se ke.” Gomme O rile, “Ntle le ge motho a tswalwa gape, ka meetse le Moya, a ka se ke ka mokgwa wo mongwe a tsena ka Mmušong.” Ke a rapela, Tate, gore O tla bolela le dipelo bošegong bjo feela ka nako ye. A nke banna le basadi ba nagane ka kgonthe, feela ka nako ye, re tseba gore re phela ka ga go tswalelweng ga nako.

228 Israele e ka nagalegae ya yona, tšhupamabaka e kgolo ya Modimo. O boela morago, a lebelela, “O go kae Mesia?”

229 Re a tseba gore ge Josefa a itirile ka boyena go tsebja go banababo, gore o tlošitše Bantle go tšwa dikgorong. Mosadi wa gagwe le bana ba be ba le ka mošate. Go swanetše go be le go tšeelwa ntle ga Montle, gore Israele e tle e dirwe go tsebja. Gona go tla tla nako ya dillo le go golola le go lla, “Mabadi ao O a tšere kae?”

230 O rile, “Ka diatleng tša mogwera wa Ka. Go tšwa go bagwera ba Ka ke hweditše mabadi a ka seatleng sa Ka,” ka ngwakong fao A bego ka kgonthe a swanetše go amogelwa, ge A itira Yenamong go tsebja go Israele gape.

231 Modimo, ge Bantle ba sa na le sebaka, a nke ba sokologe ka pela gomme ba tle go Wena.

232 Ge re sa na le dihlogo tša rena di inamišitšwe, Sakeo, ke nyaka wena o botege ka kgonthe feela sebakanyana, le boRebeka, le bona. Ka go Molaetša wo monnyane wo wa go ngwathwa godimo, ge go ka be go bile le se sengwe se bolela le pelo ya gago le go re, “Ga se nke le neng ka amogela boitemogelo bjoo bja—bja Moya wo Mokgethwa, Ebangedi ya go tlala, eupša ke nyaka go ba le wona. Ke nyaka o nkgopole mo thapelong, Ngwanešu Branham. Ke no ya go phagamiša seatla sa ka, e sego go wena, eupša go Modimo.” Gomme o re, “Nthapelele.” Gomme ke tla fetša thapelo, ke go gopola. Modimo a go šegofatše. Modimo a šegofatše wena, wena, wena, wena, tasene ya diatla.

233 O re, “A seo se dira go loka go go itšego, Ngwanešu Branham?” Kgonthe. “Gobaneng e le?”

234 O a bona, saentshe e go botša gore o ka se kgone go phagamiša seatla sa gago, ka nnete. Gobane, ka gobaneng? Maatlakgogedi a lefase a tla swara seatla sa gago fase. Eupša o na le moya wa bophelo ka go wena. Gomme bophelo bjoo bo lego ka go wena, Bophelo bjo bongwe bo tlile go bjona gomme bo rile, “O phošo.”

²³⁵ Gomme o tshetše melao ya saentshe, gomme o phagamišitše seatla seo go lebanya Mohlodi, gomme o rile, “Nkgopole.” O tla dira. Ge ka kgonthe o e ra yeo, O tla go tšea lentšung la gago. Modimo a go šegofatše morago fale. Yo mongwe gape pele re tswalela? Ke ya go no bolela lentšu le lennyane la thapelo, go no rapela go se go ye kae. Modimo a go šegofatše, mohlomphegi. Modimo a go šegofatše. Yo mongwe gape?

²³⁶ [Kgaetšedi ka phuthegong o tsopola Mangwalo a mangwe—Mor.] Amene. Wa dikgaogelo, mohlankagadi yo monnyane a phagamelago godimo ka tlase ga Moya, a bolela pele tšhepišo.

²³⁷ A o ka—a o ka phagamiša seatla sa gago ge o se wa e dira? Le go re, “Feela . . .” Seo ke sohle ke yago go go kgopela go dira. E no phagamiša seatla sa gago, itemoge wenamong o le phošo, gomme o nyaka kgaogelo. Ntlo e bulegile. “Go na le Mothopo ka ntlong ya Dafida, o buletšwe sebe le go se hlweke.” A o tla e amogela bošegong bjo, yo mongwe gape, pele re tswalela bjale? Go bile masomenne, masometlhano a diatla a eya godimo ka moagong, a banna le basadi, ba baswa le ba batala, ba išitše godimo diatla tša bona. Go lokile. Modimo a go šegofatše, mohlomphegi. Go lokile.

A re rapeleng.

²³⁸ Morena Jesu, ke a dumela gore diatla tše di phagamišitšwe ka tlhokofalo yeo e tibilego kudu. O tseba maikemišetšo a bona. O tseba maikaelelo a bona go direng bjalo. Gomme ke a rapela, Tate wa Magodimong, gore kgaogelo ya Gago ye Kgethwa e tla dula godimo ga yo mongwe le yo mongwe wa bona. A nke bošegong bjo e be nako ya phetogo. Anke ba thelelele tlase go tšwa mohlareng wa go itirelwa wa Bofarisei. A nke ba thelelele tlase go tšwa mohlareng, pele ga Jesu Kriste, le go re, “Morena, ge ke dirile phošo, ke rata go e lokiša.” Gomme go tloga go kamora ye nnyane ye ya moletlo bošegong bjo, Tate, O tla ya gae le bona, gape, le go lalala le bona, le go dula le bona ka mehla go kgabola bophelo le gohle Gosafelego. A O ka se fe ye, bjalo ka ge ke neela thapelo ya ka go Wena legatong la bona?

²³⁹ O rile, “Ga go motho a ka tlogo go Nna ntle le ge Tate wa Ka a mo goga pele. Gomme bohle ba Tate a Mphilego ba tla tla go Nna.” O tšhepišitše seo.

²⁴⁰ Gomme bjale, Morena Modimo, ba ba filwe bakeng sa difoka tša mogau le lerato. Ba ka diatleng tša Gago, gomme ga go motho a ka go ba utlela ntle. Ka tlhokofalo ya go botega ka pelong ya bona, boipolelo bja go botega bjoo ba bo dirilego, gore ba nyaka go sokologa go tloga ditseleng tša lefase, go ya ditseleng tša Modimo, bakeng sa bophelo bja bona.

²⁴¹ Ba amogele, O Morena, ke a kgopela, bjalo ge ke ba kgopelela, ke eme pele ga Terone ye Tšhweu ye kgolo ya Gago. Ka tumelo re eme fao, re lebeletše godimo ga Terone ya Modimo ya naka la tlou, le Sehlabelo se tletšego Madi se robetše pele ga

rena, go dira poelano godimo ga boipolelo bja rena. Ba thuše, Tate. Ke ba neela go Wena bjalo ka dimpho tša lerato, ka leina la Jesu Kriste. Amene. Amene.

²⁴² Bjale, yo mongwe le yo mongwe wa lena bao le phagamišitšego seatla, ke nyaka go le kgopela go ntirela se sengwe. Ke nyaka lena le kopane le ba bangwe ba badiredi ba fa, gomme le ba botše gore le amogetše Kriste bjalo ka Mophološi wa lena, gomme le nyaka go kolobetšwa, gomme le nyaka go tlatšwa ka Moya wo Mokgethwa. Gomme Modimo o tla fa seo go lena.

²⁴³ Bjale, ke be ke nagana ka se sengwe gape, eupša re ka se be le nako, gobane e—e no ba e ka ba metsotso ye mehlano nako re swanetšego go tswalela lefelo, eupša re—re leboga kgotlelelo ya lena.

²⁴⁴ Gomme diatla tša lena bohle di ilego godimo, bjale, ga se ke tsebe fela fao di bego di le, feela mogohle. Eupša ge o phagamišitše seatla sa gago, ka kgonthe o be o e ra seo. O be o ka se phagamiše seatla sa gago feela go beng go se dira. Ge e ba o dirile, seo ke boikaketši. Phagamiša seatla sa gago. O se tsoge wa dira selo ntle ga ge ka kgonthe ka tlhokofalo o se dira. Gomme ge o dira sephetho seo, gomme tlase ka pelong ya gago o e ra seo o se dirilego, gona sepela ka tlhokofalo le sona. Modimo o tla go hlompha.

²⁴⁵ O re, galego, a o kile wa ke wa tseba seo se diragaletšego Sakeo? A o ka rata go tseba seo se mo diragaletšego? O bile moleloko wa Kopanelo ya Banna ba Borakgwebo ba Full Gospel ka Jeriko. A ga o rate go tšoena, le wena?



SAKEO, RAKGWEBO NST63-0121
(Zacchaeus, The Businessman)

Molaetša wo ka Ngwanešu William Marrion Branham, setlogong o abilwe ka Seisimane ka Mošupologo mantšiboa, Janaware 21, 1963, go moletlwana wa Kopanelo ya Banna ba Borakgwebo ba Full Gospel was Boditšhabatšhaba ka Ramada Inn ka Tucson, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org